

## LUKU

# Yá pò kú láε bee guu

Luku Yesu baona lápi kè lá Maaku kèwae.

Zāa da'ilena yá'oa guu, a ye gbéε sɔu àò maà wàɔ  
Yesu dá (3.1-20)

Yesu da'ilekea ní aà yāo (3.21-4.13).

Yesu zíkεa Galile búsuu, gu pò à waasokèu ɔ à  
gyāε gbàgbā (4.14-9.50).

Yesu wéleεa bɔa za Galile e taa Yelusaleū (9.51-  
19.28). Luku yá pò Maaku i kēo kè dasi. A keeɔn  
ke: Sāmali gbēmaa yá, ɔde sɔū yá, né pò sāsā yá,  
ɔde ní Lazaao yá.

Yá pò Yesu kè Yelusaleū (19.29-21.38).

Yesu taasikεa ní aà gaa (22-23).

Lápi midεkii (24) Yesu bò gau ɔ à bò m̀ a íwaeɔwa  
Emāusi zéu e àò γε táí luabe.

Luku Yesu ní Zāa Da'ilenaɔ ia yá bɔlekè giaε (1-  
2). Wekii a ò lá malaika b̀ m̀ Yesu da Malia-  
mawa ní Zāa Da'ilena da Elizabetio, ní lá sādānaɔ ní  
saanyādōnaɔ m̀ kùle Yesuεo, lá Maliama ní Zakalio  
Dii sáaukpà mé Simeɔ Lua Musude tɔb̀. Yá beeɔ  
guu Luku yá gbiaɔ ò k̀ a Yesu seeladekεkea guu:  
Yesu luake ní aà dea Isaili zalala ũo ní lá aà m̀ɔa  
dúnia guu de yāzɔ ũ gbépiieo. Luku òlwēe lo lá  
Lua ye ǹsedeoũdeɔzi ní gbé pò wà pākpańziɔ ní nɔεɔ  
ní taasideɔ ní nibɔ. Lua Nisina yá kú we lo ní pɔna pò  
Yesu baona í inéo ní Lua táasileao ní wabikeawào.

Luku í Isailio felekaayā bɔlekewēe wásawasae.

Baona láε bee kyokea guu baade a f̄s gbépii Sua-bana yá d̄su.

<sup>1</sup> Gbé̄o ɔkpà yá p̄o kè wá guu dau siua lá guu zézewa dasi, <sup>2</sup> lá gbé̄ p̄o aa de yápi seeladeo ní a baokpanao ũ za káauo òwēewa. <sup>3</sup> Tiasa mapi s̄o, lá ma wetè yápiɔi dodo za a daaleawa, má è a maa mà kēne zéze, ma gbé̄ beede Teofili, <sup>4</sup> ké ñ e ñ yá p̄o wa dàne sáasā d̄s.

*Malaika d̄aaa Zaa Da'ilena ia yá'oa*

<sup>5</sup> Yude b̄usu kí Elodi goo sa'onae ku, à t̄n Zakali. A ku Abia sa'onao ḡali guue. À na t̄n Elizabeti. Aalona buie lo. <sup>6</sup> An pla nípii aa maa Luae. Aāo ku t̄aesai, aa Dii ikoyā ní yá p̄o a ðileo k̄ua. <sup>7</sup> Aa né v̄io, asa Elizabetiá fiie, mé an pla nípii aa zik̄u.

<sup>8</sup> Goo p̄o sa'oa kà an ḡaliwa, Zakali mé lé Lua gbagba. <sup>9</sup> Lá sa'onapiɔ i kewa, aa likpà, ɔ lí Zakali sè aà gé tulaletikai téa Dii kp̄eu. <sup>10</sup> Tulaletikpasagoo bíla k̄aaa kp̄eele píi, aale wabike. <sup>11</sup> ɔ Dii malaikae b̄o m̄wà, à zè tulaletikateaki ɔplai. <sup>12</sup> Ké Zakali aà è, à bílikè, v̄ia aà k̄u. <sup>13</sup> ɔ malaikapi òè: Nsu to v̄ia n k̄uo Zakali. Lua n wabikea s̄i, n na Elizabeti a ne'i goe ũ, ní tókpaè Zaa. <sup>14</sup> N p̄o a ke na, níȳo yáalo, gbé̄o p̄onake aà ia yá musu dasi, <sup>15</sup> asa ao de Diie gb̄ez̄o ũe. A w̄e ge í gb̄aae mio,\* Lua Nisina ao dedeawà za aà da gb̄eue. <sup>16</sup> A to Isailio ze ní Dii ní Luao dasi, <sup>17</sup> a d̄aaa Diie ní Lua Nisina gb̄aa p̄o Elia v̄i ȳaao. A to maeo ledoūke ní ní néo,† a to swáymansaideo gb̄emaao ñno sé. A gbé̄o keke aao ku sou guu Diie.

\* **1:15** Nao 6.3 † **1:17** Mal 3.23-24

18 Ǿ Zakali ò malaikapie: Kpelewa má yápi síana d̄si? Asa maezinan ma ũ, mé ma na zikù ló. 19 Ǿ malaikapi wèwà à mè: Máme má Gablieli, † miò zea Lua ae. Ǿme ma z̄i yápi oine, mà baonapi kpane. 20 Ma, n léna a naale, n̄yõ f̄õ yã'oo e yápi ge keò, ké ni ma yá p̄o a ke a ḡowa sio yáí. 21 Ḡoo bee s̄o wàle Zakali dá. Aà ḡeḡea Lua kpéu b̄o ní sae. 22 Ké à b̄o, i f̄õ yã'òrn̄o, ò wa d̄ò ké à wépungu'è Lua kpéue. Lá aà léna n̄aale, ò àle yã'oné ní o. 23 Ké Zakali sa'oḡoo lé kà, ò à tà a be. 24 Bee gbea aà na Elizabeti n̄osi, ò à azia ùle e m̄o s̄oo à mè: 25 Dii kè, à ma wēnagwà, à wibòm̄e.

*Malaika d̄oaaa Yesu ia yã'oa*

26 A m̄o soolode guu Lua malaika Gablieli z̄i Galile wéle p̄o w̄i m̄e Nazaleti guu. 27 A gè nen̄e léso p̄o aà t̄ón Maliama kíi. A ḡokpama ví Davidi bui ũ, aà t̄ón Yosefu. 28 Ké malaikapi ḡè aà kíi, a òè: F̄oo báaade! Dii kunn̄e. 29 Maliama bílikè yápiwa, à làasookè à mè: F̄o bee mi dea ni? 30 Ǿ malaikapi òè: Maliama, n̄su to vía n k̄uo, asa Lua báaadàngue.

31 Ma! Nyõ n̄osi, ní ne'i ḡõe ũ, ní tókpaè Yesu.

32 Aò de gb̄ez̄õ ũ, wàli oè Musude Né.

Dii Lua a aà kpa aà dezi Davidi kpalau,

33 io de Yak̄obu bui k̄ia ũ ḡoo pii,

aà kpala aò láaa vío. §

34 Ǿ Maliama ò malaikapie: Lá mi ḡõe d̄õ yãao, bee a ke kpelewa ni? 35 Malaika wèwà à mè:

† 1:19 Dan 8.16, 9.21 § 1:33 2Sam 7.12, 16, Isa 9.6

Lua Nisina a dine,  
Musude gbãa i mɔma.

A yáí né pó nýɔ ipi kua aɔ adoa,  
wáli oè Lua Né.

<sup>36</sup> N daε Elizabeti negɔε nɔsia sɔ a zikū guu. Nɔε pó wa dīle fii ũpi kú ní nò mɔ sooloo tia. <sup>37</sup> Asa Lua lí fu yãewao.\* <sup>38</sup> Ǿ Maliama mè: Dii zòblenan ma ũ. Aà kemεε lá ní òwa. Ǿ malaikapi aà tò we.

*Maliama gea Elizabeti gwai*

<sup>39</sup> Gɔɔ bee Maliama fêle gè wêle pó kú Yude búsú gusísídeu gɔɔ. <sup>40</sup> A gè Zakali be, ɔ à fɔkpà Elizabetiwa. <sup>41</sup> Ké Elizabeti Maliama fɔpi mà, aà né vɔvɔ aà gbεε guu, ɔ Lua Nisina dède Elizabetiwa, <sup>42</sup> Elizabeti wii gbãa lè à mè: Báaaden n ũ de nɔε píila. Báaaden né pó kú ní gbεεu ũ b. <sup>43</sup> Bón ma ũ ké ma Dii da mò ma gwaii? <sup>44</sup> Gɔɔ pó ma swálè n fɔwa lé, né pó kú ma gbεεu vɔvɔ ní pɔnaoε. <sup>45</sup> Báaaden n ũ, asa ní sɔ yá pó Dii òne a ke. <sup>46</sup> Ǿ Maliama mè: Báaaden n ũ, asa Mále Dii tɔbɔ ma sɔ guu,

<sup>47</sup> ma nòε lé yáalɔ Lua ma Suabanawa,†

<sup>48</sup> asa à ma yãdà,

mapi aà zòblena pó mi ka pɔε ũo.

Za tia e gɔɔpii wáli omεε báaadeε,

<sup>49</sup> asa Lua Gbãadepi yãzɔɔkémεε.

Aà tó kua adoa.

<sup>50</sup> I wēnadɔ gbé pó aai vɔakεεɔne e ní buiwa.

<sup>51</sup> A a gàsɔ pòo à a gbãa òbɔné,

à waladeɔ fãaa ní ní láasoɔɔ.

<sup>52</sup> A gbãadeɔ bò kpalau,

\* 1:37 Daa 18.14 † 1:47 1Sam 2.1

à táaaɔ kàfi.

<sup>53</sup> A pɔmaaɔ kpà nɔandɛnaɔwa aa kà,  
à ɔdeɔ gbàɛ ɔgii.

<sup>54</sup> A a zòblena Isailio Ìa,  
an yá i sãaàguo.

<sup>55</sup> A wɛnadò Ablahaũ ní a buipionɛ†  
lá à a lɛgbè wá dezionɛwa.

<sup>56</sup> Maliama zòlɛ ní Elizabetio lán mɔ àaɔwa, ɔ à gbàsa  
tà a bɛ.

### *Zaa Da'ilena ia*

<sup>57</sup> Elizabeti ne'igɔɔ kà, ɔ à ne'í gɔɛ ũ. <sup>58</sup> Ké  
aà fáanideɔ ní aà daɛɔ mà lá Dii wɛnadòè, aa  
pɔnakèaàno. <sup>59</sup> A gɔɔ swaaɔde zí aa mò tɔzɔi népie, S  
aai aà mae Zakali tókpaè, <sup>60</sup> ɔ aà da mè: Aawo! Wàli  
oè Zaa. <sup>61</sup> Aa òè: Gbèe ku n daɛɔ guu, a tó bee vío.  
<sup>62</sup> ɔ aa yá'ò aà maeɛ ní ɔo, ké aa e dɔ lá a ye wà tókpaè.  
<sup>63</sup> Zakalipi pó pó á e lákèwà gbèa, ɔ a kèwà: Aà tón  
Zaa. Yápi bò ní sae nípii. <sup>64</sup> Wegɔɔ aà léna gòlɛ, à lɛbò  
lé yá'o, àlɛ Lua sáaukpa. <sup>65</sup> ɔ vía ní fáanideɔ kù píi,  
ɔ Yude bùsu gusiside gbéɔ lé yápi galikɛ píi. <sup>66</sup> ɔ gbé  
pó aa yápi màò kúa ní nòsɛ guu aa mè: Bó népi aɔ de  
a ũ ziai? Asa Dii ɔliaaaàziɛ.

<sup>67</sup> Lua Nisina dèdɛ aà mae Zakaliwa, ɔ à  
ānabikékè à mè:

<sup>68</sup> Wà Dii Isailio Lua sáaukpa!

A mò a gbéɔ bò.

<sup>69</sup> A Suaban gbãade bòwɛɛ  
a zòblena Davidi bui guu,

<sup>70</sup> lá a dà a ānabionɛ aa ò za ziwa.

<sup>71</sup> Aa mè a wá sí wá ibɛɛwa,

† 1:55 Daa 17.7 § 1:59 Lev 12.3

a wá bɔ gbé pɔ zawágupio ɔzi.

<sup>72</sup> Maa à wá deziɔ wɛnagwà,  
aa bàa pɔ kúrnɔ yá i sãaãguo.

<sup>73</sup> A legbè wá dezi Ablahaũe\*

<sup>74</sup> à mè á wá bɔ wá ibeɛɔ ɔzi,  
í wá gba zé wà zɔblee víasai,

<sup>75</sup> wá kua iɔ adoaè gbẽmaao ũ  
e wá wɛni léu.

<sup>76</sup> Mpi sɔ ma né, wáli one Musude añabi,  
asa míme nýɔ dɔaa ñ zekeke Diie.†

<sup>77</sup> Nyɔ to aa gbéɔ dɔ lá a ní suaba,  
lá a ní duuna kémá,

<sup>78</sup> ké wá Lua nòse sósobi ví yái.

Bɔa musu a mɔ wá gwai lá gu ñ dɔwa,

<sup>79</sup> i gupu gbé pɔ kú gusiauɔne

ní gbé pɔ kú ga léziɔ,‡

i wá gbá péle aafia zéu.

<sup>80</sup> Népi zɔɔkù à gò kágbãade ũ. A ku gbáau e gɔɔ pɔ  
à bɔ gupau Isailiɔwa.

## 2

### *Yesu ia*

*(Mat 1.18-25)*

<sup>1</sup> Gɔɔ bee Sezaa Ogusi bɔ ní yáɔ à mè wà dúnia  
gbépii nao. <sup>2</sup> Wà nao séiapi kè gɔɔ pɔ Kilini de Sili  
bùsu gbẽzɔũ ẽ. <sup>3</sup> Baade píi gè a be wéleu wà a tɔ  
dalau. <sup>4</sup> Yosefu sɔ à bɔ Nazalɛti, Galile bùsuu, à gè  
Davidi be wéle Betelɛũ, Yude bùsuu, ké a de Davidi  
bui ũ yái. <sup>5</sup> A gè wà a tɔ dalau we ní a nɔkpama

\* **1:73** Daa 22.16-18 † **1:76** Mal 3.1 ‡ **1:79** Isa 9.1

Maliamao. A nɔsia, <sup>6</sup> ɔ̃ ɔ̃ ɔ̃ pɔ aa ku we, aà ne'igɔ̃ kà, <sup>7</sup> ɔ̃ à a yoa ì ɔ̃ ɔ̃ ù. A zwāa fiwà à aà wùle pɔtuɔɔ pɔblebɔ, ké aai gu e nibɔɔ pilakɔio yáí.

<sup>8</sup> Sādānao ku bɔsu doŋpi guu, aale i sɛu, gwāasina aale ní são dɔ́a. <sup>9</sup> ɔ̃ Dii malaikae bɔ̀ mòmá, Dii gawi gupùnzì, ɔ̃ vía ní kú maamaa. <sup>10</sup> Malaikapi òné: Asu to vía á kũo, asa ma mɔ baonakpaiée, gbépii pɔ i ke na maamaa. <sup>11</sup> Wà Suabana íé Davidi wéleu gwáa, ɔ̃me Mesii ũ, Dii ũ. <sup>12</sup> Seela pɔ a to à aà dɔ́n ke: A nétēna e wúlea pɔtuɔɔ pɔblebɔ, zwāa fiwà. <sup>13</sup> Kándo luabe iwao ku sãnu ní malaikapio dasidasi, aale Lua táasile aa mɛ:

<sup>14</sup> Wà Lua tɔbɔ musu, gbé pɔ an yá kèèò i aafia'e tɔɔle.

<sup>15</sup> Ké malaikapio gòrɔla aa tà luabe, ɔ̃ sādānao òkɔe aa mɛ: Wà gé Betelɛũ wà yá pɔ kèpi e, yá pɔ Dii tò wá dè. <sup>16</sup> ɔ̃ aa fɛle gè kpakpa, aa bɔ̀ Maliama ní Yosefuowa ní nétēnapi wúlea pɔtuɔɔ pɔblebɔ. <sup>17</sup> Ké aa aà è, aa yá pɔ wa òné nétēnapi yá musu ò. <sup>18</sup> ɔ̃ yá pɔ sādānao òpi bɔ̀ gbé pɔ aa màò sae píi. <sup>19</sup> Maliama yápi kúa a nòse guu pii, àle làasookewà. <sup>20</sup> Sādānao èa tà, aale Lua tɔbɔ, aale aà sáaukpa yá pɔ aa mà mé aa è musu, asa à kè lá wa ònéwaε. <sup>21</sup> Ké a ɔ̃ ɔ̃ la sù, né tɔ̃zɔ̃gɔ̃ kà,\* ɔ̃ wà tɔkpàè Yesu, tó pɔ malaika ò zadɔ̃ wi aà nɔsio.

### *Yesu ɔ̃la Diiε*

<sup>22</sup> Ké an gbábɔgɔ̃ kà, aa aà sè gè ɔ̃bi Diiε Yelusaleũ lá Mɔizi ikoyã'òwa. <sup>23</sup> Asa a ku Dii ikoyãu wà mɛ

\* **2:21** Lev 12.3

wà negõe séiao kpawàe.† 24 Aa sa pò wa ðile Dii ikoyãu ò, wà mèn felena mèn pla ge felenguulu né bɔbɔ mèn pla.‡

25 Gbēe ku Yelusaleũ, àà tón Simεo. Gbēmaae, a Lua vĩa vĩa, mé àà wé ðo Isailiɔ misiai. Lua Nisina diè, 26 ɔ Nisínapi òè a ga kía pò Dii kpà esaio. 27 Nisínapi ðàaaè, ɔ à gē Lua ua. Ké Maliamá n̄ Yosefuò mò ní ní né Yesuo yá pò wa ðile ikoyãu kea yái, 28 ɔ Simεo àà sí a ɔzi, à Lua sáaukpà à mèn:

29 Mapi n zòblena gbae niε guu sa lá ní òmεεwa Dii,

30 asa ma wesĩ Suabana pò ní ðile

31 n àà yá kèkè bui píi wáale.

32 Aɔ de gupua ũ à gupu buiɔne,§ i n gbé Isailiɔ tɔbɔ.

33 Yá pò a ò népi musu bò àà de ní àà dao sae.

34-35 Simεo samaa'òné, ɔ a ò népi da Maliamae à mèn:

Ɔme aɔ de seela pò Isailiɔ gii ũ,

pɔsia i n sɔ zɔ lán fēndawa.

Isailiɔ lao ge aa káfi àà yái,

an nòse guu yá i bɔ gupuau.

36 Nɔe ānabie ku we, àà tón Ana, Fanueli né, Aseε buie. Nɔepi zikùε táotao. A zákè ní a gɔkpamao wè soplae, 37 ɔ à gɔ̀ò gyaa ũ e wè basiiɔ ní síiɔ. Ili bɔ Lua uao, iɔ lousisi fāane ní gwāasinao ní lɛyeao ní wabikeao. 38 Zibeezi gɔ̀ò à sɔ̀nzi à Lua sáaukpà, àle népi yá'o gbé pò an wé ðo Yelusaleũ boaiɔne píi.

39 Ké Yosefu ní Maliamao kè lá a ku Dii ikoyã láuwa píi aa làa, aa èa tà ní be wéleu Nazaleti, Galile

† 2:23 Bɔa 13.2 ‡ 2:24 Lev 12.6-8 § 2:32 Isa 42.6, 49.6



bùsuu. <sup>40</sup> Népi fêlɛ à gbãakù. Ɔno pàè, mé Ìo kú ní Lua báaa.

*Yesu gɛa Lua ua a nɛgɔɔ*

<sup>41</sup> Wɛ ní wɛo Yesu de ní aà dao aai gé Gɛamusu\* dikpɛkɛi Yelusaleũ. <sup>42</sup> Ké Yesu kà wɛ̀ kuepla, aa èa gè dikpɛkɛi lá aai kɛwa. <sup>43</sup> Ké dikpɛ làa, aale tá, ɔ an né Yesu gɔ̀ Yelusaleũ, aa dɔo. <sup>44</sup> Aale e a kú ní gbɛ́o guue. Ké aa táa'ò gɔɔ do, ɔ aa gbàsa lé aà wɛɛɛ ní daɛo ní ní gbɛ́ dɔaɔ guu. <sup>45</sup> Ké aai aà eo, aa èa gè aà wɛɛɛi Yelusaleũ. <sup>46</sup> A gɔɔ àaɔde zɪ́ ɔ aa aà è Lua ua zɔ̀lɛa yãdanɛdeɔ guu, àlɛ yãmamá, àlɛ yãlalamá. <sup>47</sup> Aà yãdɔa ní aà yãweamáo dɪ gbɛ́ pɔ aale aà yãmaɔwa pii. <sup>48</sup> Ké aà de ní aà dao aà è, à b̀o ní saɛ, ɔ aà da òè: Bóyãí ní kɛ̀wɛɛ màai? N mae ní mapio, wá pɔ yà n wɛɛɛa guu. <sup>49</sup> A wɛ̀má à m̀è: Bóyãí álɛ ma wɛɛɛi? Ké à kù mào ku ma Mae kpéu, á dɔo lé? <sup>50</sup> Ama aai yá pɔ a ònépi dɔo.

<sup>51</sup> Yesu èa tàrɪno Nazalɛti, à misiilɛné. Aà da yápio kúa a nòsɛ guu pii. <sup>52</sup> Yesu zɔ̀okù, aà ɔno kàfi, mé a na ní Luao ní gbɛ̀nazinao.†

### 3

*Zãa Da'ilena waasokpaa*

*(Mat 3.1-17, Maa 1.1-11, Zãa 1.19-28)*

<sup>1</sup> Sezaa Tibelia kpalablea wɛ̀ gɛode guu Põnsi Pilati mé Yude bùsu gbɛ̀zɔɔ ũ, Elodi lé kible Galile, aà dãuna Filipi lé kible Itule bùsu ní Takoni bùsuowa, mé Lisania lé kible Abilɛni bùsuwa. <sup>2</sup> Anasi ní Kaaifao mé sa'onkiaɔ ũ. Gɔɔ bee ɔ Lua yã'ò Zakali

\* **2:41** Bɔa 12.1-11 † **2:52** 1Sam 2.26, Yaa 3.4

né Zãaε gbáau. <sup>3</sup> Ɔ à fêlε lé bebe Yuudē baale ní baalao pii, àlε waasokε gbé̄ɔnε. A òné aa nòselilε aa da'ilekε, Lua i ní duuna kémá. <sup>4</sup> Maa yá pò ānabi Isaia ò a lá guu kè à mè:

Kpàwakεna lɔɔ ma dɔ gbáau,  
àlε mε à zekeke Diie,  
à zéwεwεnaɔ pooè súsu.

<sup>5</sup> Guzule pii a tata,  
gbè lɛsɔ ní sɛsɔ daaɪ pii.  
Zé koleaɔ poo súsu,  
zé tòũtoũɔ daaɪ,

<sup>6</sup> gbépii i e lá Lua ì ní suaba.\*

<sup>7</sup> Bíla ìɔ mɔ aà kfi da'ilekεi, ɔ ì oné: Gbēnazin pílígonaɔ! Déme lɛdàwá à bàasi pɔkūma pò Lua a bɔbɔmáei? <sup>8</sup> A nòselilεa yá kε, wi dɔ ké a lilε. Ké Ablahaũ dε á dezi ũ, ásu dile bee mé a á bɔɔ. Mále oé, Lua a fɔ gbεε beeɔ kε Ablahaũ buiɔ ũ. <sup>9</sup> Mɔo dilea líɔzi kò. Lí pò lé né maa io, wa zɔ zu téuε.

<sup>10</sup> Bíla aà là: Tó màaε, wá kε kpelewa ni? <sup>11</sup> A wèmá à mè: Gbé pò ula ví mèn pla, aà ado kpa gbé pò víowa. Gbé pò pɔblea ví, aà kε màa lɔ. <sup>12</sup> Ɔsinaɔ m̀è da'ilekεi, ɔ aa aà là aa m̀è: Metulu, wá kε kpelewa ni? <sup>13</sup> A wèmá à m̀è: Ásu ɔasimá dε lá wa dilelao. <sup>14</sup> Sosao aà là aa m̀è: Wápiɔ sɔ wá kea ni? A òné: Ásu gbāamɔ gbé̄ɔnε à ní bleo. A zε ní fla pò wí boéo.

<sup>15</sup> Gbé̄ɔ pɔna lé dedε. Gbépii lé làasookε a ǹsε guu Zãa yáwa, tó aɔ dε Mesii ũ. <sup>16</sup> Zãa òné pii à m̀è: Mi á da'ilekε ní íoε, āma gbēε lé m̀ó, aà iko demala, mi ka mà aà sabala bɔbɔèo. Ɔmε a á da'ilekε ní

\* **3:6** Isa 40.3-5

Lua Nisinao ní téo.† 17 A gbaana kūa à pò fãò, i pówena ká a dõu, i a sàò ka té gasai guu. 18 Zãa baonakpaané guu, à nàemá ní yãpãleɔ dasi. 19 Ké à yá pò kí Elodi kè a dãuna na Elodia yá musu ní vãi pãle pò a kèò b̀̀è gupuuau píi, 20 ã Elodi èa yãvãikè l, à Zãa dàkpeu.

21 Ké Zãa lé gbéɔ da'ileke píi, à Yesu da'ilekè s̃. Goo pò Yesu lé wabike, luabe wèaa, 22 ã Lua Nisina sù lán felenawa à d̃iè. ɔ wà yã'o mà b̃aa luabe à mè: Ma Nén n ũ, má yenzi, ma pò kèma na.‡

*Bui pò Yesu b̀̀ ní guu*  
(Mat 1.1-17)

23 Goo pò Yesu a z̃i dàale, a wèè baakwi taa ví. Wàle e Yosefu ñé.

Yosefupi s̃ Heli ñé,

24 Helipi s̃ Mata ñé,

Matapi s̃ Levii ñé,

Leviipi s̃ Meleki ñé,

Melekipi s̃ Yana ñé,

25 Yanapi s̃ Yosefu ñé,

Yosefupi s̃ Matatia ñé,

Matatiapi s̃ Amosi ñé,

Amosipi s̃ Nauũ ñé,

Nauũpi s̃ Eseli ñé,

Eselipi s̃ Nage ñé,

26 Nagepi s̃ Maatu ñé,

Maatupi s̃ Matatia ñé,

Matatiapi s̃ Semei ñé,

Semeipi s̃ Yoseku ñé,

Yosekupi s̃ Yoda ñé,

† 3:16 Z̃ln 2.3-4 ‡ 3:22 Sou 2.7, Isa 42.1

Yodapi s̄s̄ Yohanani née,  
 27 Yohanani s̄s̄ Lesa née,  
 Lesapi s̄s̄ Zolobabeli née,  
 Zolobabeli s̄s̄ Salatieli née,  
 Salatieli s̄s̄ Neli née,  
 Neli s̄s̄ Meleki née,  
 28 Meleki s̄s̄ Adi née,  
 Adipi s̄s̄ Kosaũ née,  
 Kosaũ s̄s̄ Elemadaũ née,  
 Elemadaũ s̄s̄ Ee née,  
 Ee s̄s̄ Yozuee née,  
 29 Yozuee s̄s̄ Eliezee née,  
 Eliezee s̄s̄ Yoliũ née,  
 Yoliũ s̄s̄ Mata née,  
 Matapi s̄s̄ Levii née,  
 Levi s̄s̄ Simeon née,  
 30 Simeon s̄s̄ Yuda née,  
 Yudapi s̄s̄ Yosefu née,  
 Yosefu s̄s̄ Yonaũ née,  
 Yonaũ s̄s̄ Eliakiũ née,  
 Eliakiũ s̄s̄ Melea née,  
 31 Meleapi s̄s̄ Mena née,  
 Menapi s̄s̄ Matata née,  
 Matatapi s̄s̄ Natã née,  
 Natã s̄s̄ Davidi née,  
 Davidi s̄s̄ Yese née,  
 32 Yese s̄s̄ Obedi née,  
 Obedi s̄s̄ Bõazu née,  
 Bõazu s̄s̄ Salamõ née,  
 Salamõ s̄s̄ Naasõ née,  
 Naasõ s̄s̄ Aminadabu née,  
 33 Aminadabu s̄s̄ Adami née,  
 Adami s̄s̄ Aani née,

Aanipi s̄ Eselbū née,  
 Eselbūpi s̄ Pelezi née,  
 Pelezipi s̄ Yuda née,  
 Yudapi s̄ Yakɔbu née,  
<sup>34</sup> Yakɔbupi s̄ Izaaki née,  
 Izaakipi s̄ Ablahaū née,  
 Ablahaūpi s̄ Tela née,  
 Telapi s̄ Nakɔɔ née,  
 Nakɔɔpi s̄ Selugi née,  
<sup>35</sup> Selugipi s̄ Leu née,  
 Leupi s̄ Pelegi née,  
 Pelegipi s̄ Ebelu née,  
 Ebelupi s̄ Sela née,  
 Selapi s̄ Kena née,  
<sup>36</sup> Kenapi s̄ Aapasa née,  
 Aapasapi s̄ Seū née,  
 Seūpi s̄ Nɔee née,  
 Nɔeepi s̄ Lemeki née,  
 Lemekipi s̄ Metusela née,  
<sup>37</sup> Metuselapi s̄ Enɔki née,  
 Enɔkipi s̄ Yelɛdi née,  
 Yelɛdipi s̄ Maalalee née,  
 Maalaleepi s̄ Kena née,  
 Kenapi s̄ Enɔsi née,  
<sup>38</sup> Enɔsipi s̄ Seti née,  
 Setipi s̄ Adamu née,  
 Adamupi s̄ Lua née.

## 4

*Yesu ȳsa*  
*(Mat 4.1-11, Maa 1.12-13)*

1 Yesu lé su ní Yuudēo Lua Nisína pεεawà guu, ̄ Nisínapi gèaàno gbáau. 2 Ibiisi aà ȳ we e gɔɔ bla. Gɔɔpi i pɔe bleo. Ké gɔɔ blapi pà, noana lé aà de. 3 ̄ Ibiisi òè: Tó Lua Nén n ũ, o gbεε bee li p̄ε ũ. 4 Yesu wèwà à mè: A kēa Lua taalau wà mè: Pɔblea ̄ gbēnazina kuò adoo.\*

5 ̄ Ibiisi aà sè gèaàno musu, ̄ à dúnia kpalaɔ òlòè p̄i a zegbeu ḡɔ 6 à mè: Má n gba iko beeo p̄i ní a gawio. A ku ma ɔziε, gbé p̄ó má yei má kpawàε. 7 Tó n kulεmεε lé, a ḡ n p̄ó ũε p̄i. 8 Yesu wèwà à mè: A kēa Lua taalau wà mè:

Kúle Dii n Luaε,  
níɔ ɔbleè ado.†

9 ̄ à gèaàno Yelusaleũ, à aà zè Lua kpé misonaa à mè: Tó Lua Nén n ũ, ɔkpa nziai, 10 asa a kēa láu wà mè:

Lua a n yā'o a malaikaone aa n d̄sa.

11 Wà mè ɔ:

Aa ɔdama, ké nsu gēnale gbewao yái.‡

12 Yesu wèwà à mè: Wà mè,  
nsuli Dii n Lua le n gwao.§

13 Ké Ibiisi Yesu ȳ ní yápiio a làa, ̄ à aà tò we e gɔɔ p̄ale.

*Nazaretideɔ gia Yesu ndaik̄i*  
(Mat 13.53-58, Maa 6.1-6)

14 Yesu èa tà Galile ní Lua Nisína gbãao, ̄ aà tó li bùsupia p̄i. 15 I yādané ní lousisikpεo guu, mé gbépii ì aà tɔnasi.

16 ̄ à gè Nazareti, gu p̄ó à nεblèu. Kámabogɔɔzi à gè lousisikpεu lá ì kεwa. A f̄εε à kyoke, 17 ̄ wà

\* 4:4 Iko 8.3 † 4:8 Iko 6.13 ‡ 4:11 Sou 91.11-12 § 4:12 Iko 6.16



*Yesu kua Kapenaũ*  
(*Mat 8.14-17, Maa 1.21-39*)

<sup>31</sup> Yesu tà Kapenaũ, ò àle yãdadané Galile bùsu wélepiu kámabogoozi. <sup>32</sup> Aà yãdaané bò ní sae, asa aà yá iko víe. <sup>33</sup> Gõe táadee ku lousisikpeu we, ò à wii gbãa lè à mè: <sup>34</sup> Ee! Bó wá ví ní kõi Yesu Nazaleti? N mo wá kaalei yà? Má dõ gbé pò ní de a ũ, Lua gbé pò a kua adoan n ũ. <sup>35</sup> Ǿ Yesu gĩ táapie à mè: Níle! Go gõepiwa. Ǿ táapi gõepi nè dasi guu à gòwà, i aà ke'iao. <sup>36</sup> Bili gbépii kù, aale kò lala aa mè: Bõtaa bui yán wei? Gwa, i yãdile táaone ní iko gbãao, ò aà gẽzea. <sup>37</sup> Ǿ aà bao lĩ bùsupia gupiiu.

<sup>38</sup> Ké à bò lousisikpeu, ò à tà Simoo be. Simoo nada lé mèwãake maamaa, ò wà a yã'òè. <sup>39</sup> Yesu zè aà mizí à gĩ mèwãapie, ò aà me nini. Wegoo à fèle blekèné.

<sup>40</sup> Ké íatè gè kpéu, gbé pò gyãe vío mórino Yesue, ò à onana ní baadewa, à ní gbãgbã ní ní gyã bui dasio. <sup>41</sup> Táao lé go gbéowa ní wiio dasi b aa mè: Lua Nén n ũ. Ǿ à gíné aa yã'o, ké aa aà dõ Mesii ũ yáí.

<sup>42</sup> Ké gu dõ, Yesu bò wéleu à gè gusaena, ò bila lé aà wele. Ké aa bòwà, aale giè aà ní tó we. <sup>43</sup> Ǿ a oné: Sema mà kpala pò bò Lua kíi baokpa wéle kiniõne b, asa a yáí Lua ma zii. <sup>44</sup> Ǿ à gè lé waasoke Yudaoo lousisikpeoo guu.

## 5

*Yesu a iwa sèiaoo sisia*  
(*Mat 4.18-22, Maa 1.16-20*)

<sup>1</sup> Ziewa Yesu zea Genezaleti ísida gõsõle, ò bila kàaaaazi Lua yãmaa yáí, aale naewà. <sup>2</sup> Ǿ à gó'ilena





*Gbēkaaŭa gbágbāa*  
(*Mat 9.1-8, Maa 2.1-12*)

17 Ziewa Yesu lé yādané. Falisieo ní Mɔizi ikoyādanɛdeeo zōlea we. Aa bò Galile ní Yude wéleo guu píie ní Yelusaleũo. Lua gbāa kuaàno, ɔ àle gyāeo gbágbā. 18 Ǿ gbēeo m̀, aa gbēkaaŭa sea ní mákelɛo, aale zeweele wà gēaàno aa aà dile Yesu ae. 19 Lá aai gēkii eo dasi yáí, ɔ aa dèdeaàno kpé musu. Aa kpépi f̀, ɔ aa aà pila ní a mákelɛo zā guu Yesu ae. 20 Ké Yesu è aale a náaike, à mè: Ma gbé, n duuna kèma. 21 Yādanɛdepio ní Falisipio an làasoo guu aa mè: Dén gbé p̀ lé d́e ní Luao bee ũi? Déme a f̀ duunakēmaí, Lua ado bàasioi? 22 Yesu ní làasoo d̀, ɔ à ní lá à mè: Bóyáí ále làasoo bee taa ke á s̄o guuí? 23 Tó má ò aà duuna kèwà, ge tó má ò aà fɛle t́a'o, a kpele mé àai? 24 Má ò màa ké àò d̄s Gbēnazin Né duunakēama iko v̄i dúniau la. Ǿ a ò gbēkaaŭapie: Má òne, fɛle n̄ ní mákelɛ sé tá n be. 25 Weḡo à fɛle zè ní wáa, à a wúlebopi sè à tà a be, àle Lua sáaukpa. 26 Baade píi lé g̀ ɛlea, ɔ aa Lua sáaukpà. Via guu aa mè: Wa dabu è gbā.

*Levii sisia*  
(*Mat 9.9-17, Maa 2.13-22*)

27 Bee gbɛa Yesu b̀, ɔ à osina p̀ w̄i mɛ Levii è zōlea osikpɛu. Yesu òè: M̀o temazi. 28 Ǿ à fɛle à p̀pii tò we à t́aàzi.

29 Ǿ à p̀onable z̄o kè a be, à Yesu s̄isiwà ní osinao ní gbēpáleo dasi, aale p̀oble. 30 Ǿ Falisio ní ní Mɔizi ikoyādanɛdeeo yákūtèkà aà iwaozi aa mè: Bóyáí ále p̀oble ále imi ní osinao ní luayādansaibi? 31 Ǿ Yesu a zāsímá à mè: Gbé gbāa bàa kú ní lòotoooo, sema

gyãe. <sup>32</sup> Mi mo gbẽmaaɔ sísii aa nòsɛlilɛo, sema duunkɛnaɔ.

<sup>33</sup> Ǿ wa òè: Zãa ìwaɔ ìb ɛye, aaɔ wabike kòsòkòsò. Maaɛ ní Falisio ìwaɔ lb. Ama n gbéɔ ìb pɔble aaɔ imiɛ. <sup>34</sup> Ǿ Yesu wèmá à mè: A we to nɔsena gbéɔ ɛye gɔɔ pɔ nɔsenapi kúrɔnɔe? <sup>35</sup> A gɔɔ a mó ké wa nɔsenapi bɔ ní guu. Gɔɔ bee ɔ aa ɛye sa. <sup>36</sup> Yesu yálɛɛúnɛ lb à mè: Wili pɔkasa dafu lí wa ði a zi guuo. Tó wa kè màa lé, pɔkasa dafu a yaaɛ, mé a zi a kòsɛ ní a dafu pɔ wa ðiupioo. <sup>37</sup> Wili vɛɛ dafu ká báa tùu zi guuo. Tó wa kè màa, vɛɛ dafu a tùu pūnaɛ, i kólɛ, tùu i òkpa. <sup>38</sup> Wì vɛɛ dafu ká báa tùu dafu guuɛ. <sup>39</sup> Gbé pɔ dókè ní vɛɛ zio lí a dafu sáaukpao, ì me a zi mé na.

## 6

### *Kámabogɔɔzì*

*(Mat 12.1-14, Maa 2.23-3.6)*

<sup>1</sup> Kámabogɔɔe zì Yesu lé pã ble bua, ɔ aà ìwaɔ pówɛna wòlo aa a suumpà ní ou, aalɛ só.\* <sup>2</sup> Ǿ Falisio ònɛ: Bóyã ãlɛ yá pɔ ðɛ wà ke kámabogɔɔzìo kei? <sup>3</sup> Yesu wèmá à mè: Lá Davidi ní a gbéɔ kè gɔɔ pɔ nɔana lé ní ðɛ, i a kyokɛo lé? <sup>4</sup> A gè Lua ua, à pɛɛ pɔ wa kàlɛ Luaɛ sɛ sò, a kpà a gbéɔwa,† pɛɛ pɔ gbɛɛ lí sóo, sema sa'onaaɔ bàasio.‡ <sup>5</sup> Ǿ Yesu ònɛ: Gbɛnazin Né mé iko vɛ kámabogɔɔwa.

<sup>6</sup> Kámabogɔɔ pãlɛ zì lb Yesu gè lousisikpɛu, àlɛ yãdané. Gõɛɛ ku we, aà ɔplaa imia. <sup>7</sup> Mɔzìi ikoyãdanɛɛo ní Falisio lé Yesu kpakpa, tó a gbépi gbágbã kámabogɔɔzì, wi e yãdaaàla. <sup>8</sup> A ní làasoo

\* **6:1** Iko 23.25 † **6:4** 1Sam 21.1-6 ‡ **6:4** Lev 24.9

dò, ò a ò gbé pọ a ọ imiapi: Fẹle ze zã guu. Ké à fẹle zè we, <sup>9</sup> ò Yesu ònẹ: Málẹ á láẹ. A zeví wà yãmaake kámabogwzì yà, ge yãvãie? Wà gbé misi yà, ge wà aà dεε? <sup>10</sup> Yesu wεpànla mípi, ò a ò gbé pọ a ọ imiapi: N n ọpi poo. Ké a pòo, ò aà ọ sù a gbεu. <sup>11</sup> Falisiọ pọ fẹ maamaa, ò aa lekpaai Yesuzi lá aa kεè yá musu.

*Iwa gbēon kuεplao sea*

*(Mat 5.1-12, 10.1-4, Maa 3.13-19)*

<sup>12</sup> Gọ bee Yesu bọ gè wabikei sí sí musu, ò a kú ní wabikea Luawao e gu gè dọd. <sup>13</sup> Ké gu dọ, ò à a ìwao kàaa, à gbēon kuεplao sè ní guu à ní díle zinao ù. <sup>14</sup> Gbēpiọ tón ke: Simọ pọ à tokpàè Piεε, aà dāuna Andelee, Zaaki, Zāa, Filipi, Batelemii, <sup>15</sup> Matiee, Tomaa, Alafe né Zaaki, Simọ pọ wí oè Gínziao, <sup>16</sup> Zaaki né Yudasi ní Yudasi Isalioti pọ gò Yesu bọnkpede ùo.

<sup>17</sup> Yesu pilańo à zè gusalalaa, gu pọ aà ìwa kńiọ ní bílao kuu. Aa bọ Yelusaleũe ní Yude búsuo pii ní ísiale wéle pọ kú Tii ní Sidōo saεo. <sup>18</sup> Aa mọ aà yāmai, mé ké aà ní gbágbā ní ní gyāo yái. Gbé pọ táa lé íadamáo gbàgbā ọ. <sup>19</sup> Gbēpii lé wεεle ọkāwà, asa gbāa lé bọ aà guu, àle gbēpii gbāgbāε.

<sup>20</sup> Ọ à wesè a ìwao gwà à mè:

Báaadeon á gbé pọ ále taasikeo ù,  
asa kpala pọ bọ Lua kíi de á pọ ùε.

<sup>21</sup> Báaadeon á gbé pọ nọana lé á de gbāo ù,  
asa á ká.

Báaadeon á gbé pọ ále ọọọ gbāo ù,  
asa á yáalọ.

22 Báaadeon á ũ, tó wà zàágu mé wà gĩázi,  
mé wà á s̄s̄s̄ mé wà á t̄b̄ēēēī Gbēnazīn Né yáí.

23 Ḡōo p̄o yá beēo á lé, à̄o v̄iv̄i ní p̄ōnao, asa á asea z̄ōo  
luabe. Beewa an dezīo k̄ē ānabīōne.

24 Waiyoo á ōdēo,  
a me nama è k̄ò.

25 Waiyoo á gb̄é p̄o á k̄āa gb̄āo,  
n̄oana a á de.  
Waiyoo á gb̄é p̄o ále yáalo gb̄āo,  
á w̄ēnake, á ōōo.

26 Waiyoo ápīo, tó gb̄épii lé á t̄onasi,  
asa beewa an dezīo k̄ē ānabīō eḡenāōne.

*Yea ib̄ēēzi*  
(Mat 5.38-48)

27 M̄ále o á gb̄é p̄o ále ma yāmāōne, à̄o ye á ib̄ēēzi,  
à maake gb̄é p̄o zaágūōne. 28 A samaa'o gb̄é p̄o aai  
savāi'ōēōne. A wabike gb̄é p̄o aai iadawāōne. 29 Tó  
gb̄é n s̄anke n gēe dowa, ñ ado d̄ò̄e lo. Tó gb̄é n ulada  
s̄ima, n̄su giè ní n danziioo. 30 P̄o p̄o gb̄é gb̄èama p̄i  
kpawà. Tó gb̄é n p̄o s̄ima, n̄su gb̄eawào. 31 Lá á ye  
wà k̄éé, à k̄ené màa s̄o. 32 Tó gb̄é p̄o aa yeázīo ò álīo  
yeñzi, b̄o s̄áau bee v̄ii? Baa luayādansaīo Ìo ye gb̄é  
p̄o yeñzīozīe. 33 Tó gb̄é p̄o aai maakēé̄o ò álīo maakené,  
b̄o s̄áau bee v̄ii? Baa luayādansaīo Ì ke màae. 34 Tó  
gb̄é p̄o á wé d̄oi à p̄o emá̄o ò álīo p̄o s̄ēané, b̄o s̄áau bee  
v̄ii? Asa luayādansaīo Ì p̄o s̄ēak̄ōe a ea a lé gb̄eu yáíe.  
35 Āo ye á ib̄ēēzi à maakené, à p̄o s̄ēané w̄ed̄oisai, í  
asea z̄ōo e, í̄o de Musude né̄o ũ, asa Ì maake gulūōne  
ní gb̄ēv̄āiōe. 36 Āo s̄osobi v̄i lá á Mae s̄osobi v̄iwa.

*K̄ō t̄àae'ea*  
(Mat 7.1-6)

<sup>37</sup> Asuli gbé tàae eo, Lua a á tàae e s̄so. Asuli yāda gbéao, Lua a yādaálo. A s̄uuke ní gbé, Lua i s̄uukeáno. <sup>38</sup> A gbé gba p̄o, Lua i á gba. A zaa maa p̄o á gbègbè à wè à pà yelee káé á ula léu. Asa zaa p̄o ní ȳdu gbéẽ ò Lua a ȳune s̄o.

<sup>39</sup> Ǿ à yātaa òné à mè: V̄ia a f̄o d̄aa v̄iaae? An pla nípii aa zu euo lé? <sup>40</sup> Iwa lío de a diilao. Gbé p̄o yādada a làa de lá a diiwaae. <sup>41</sup> Bóyái níle s̄ekona p̄o da n gbédee wéu e, mé níle lí miona p̄o da n wéu yādao ní? <sup>42</sup> N gbé p̄o níle lí miona p̄o da n wéu eo, kpelewa níȳ e o n gbédeee aà to ò s̄ekona p̄o da aà wéu b̄oèi? M̄oafilide! Limiona p̄o da n wéu b̄o ḡia, ní gu'e wásawasa ké ò s̄ekona p̄o kú n gbédee wéu b̄oè.

*Gbé d̄sa a yākeawa  
(Mat 7.15-27, 12.33-37)*

<sup>43</sup> Lí maa lí né v̄ai io, lí v̄ai lí né maa io. <sup>44</sup> Wí lí píi d̄o a b̄ewaee. Wíli kpa bo lè líwao, wíli kuke kàelewao. <sup>45</sup> Gbēmaa ì maa b̄o a s̄ò làasoo maa guue. Gbēv̄ai s̄ò ì v̄ai b̄o a s̄ò làasoo v̄ai guue. Asa yá p̄o k̄ò s̄ò guu ò lé ì o.

<sup>46</sup> Bóyái io ma sisi Dii, Dii, mé ili yá p̄o má ò keo ní? <sup>47</sup> Gbé p̄o mò ma kíi à ma yāmà mé a kè, má òlé lá ade de. <sup>48</sup> A de lán ēbona p̄o eȳ z̄az̄à à kpé kpàle gbewawaae. Ké swa pà, í dàgua à kà kpépizi, i deeo, ké wa b̄o maa yái. <sup>49</sup> Gbé p̄o lé ma yāma mé àle keo de lán ēbona p̄o kpé kpàle t̄oolea p̄a ēȳsaiwaae. Ké swa'ì kài, ò à kwè ḡò. Kpépi òokpaa kè z̄o.

## 7

*Sosaᵛ gbēzᵛᵛ zīkenā gbágbāa*  
*(Mat 8.5-13)*

<sup>1</sup> Ké Yesu yá beᵛᵛ ò gbéᵛᵛne píi a làa, ᵛ à gè Kapenaũ. <sup>2</sup> Sosaᵛ gbēzᵛᵛᵛe ku we, a zīkenā vī, a yeaaziē maamaa, ᵛ àlè gyáke à kà gaa. <sup>3</sup> Ké aà diipi Yesu bao mà, à Yuda gbēzᵛᵛᵛ zī wabikeiwà aà mᵛ a zīkenāpi misie. <sup>4</sup> Ké aa kà Yesu kíi, aa wabikèwà kᵛsᵛkᵛsᵛ aa mè: Gbépi kà ñ dᵛaàlè. <sup>5</sup> A ye wá buizi, ᵛmè lousisikpè dᵛwèè. <sup>6</sup> Ǿ Yesu gèᵛᵛᵛ. Ké à kà kái ᵛ aà beᵛᵛ, ᵛ sosaᵛ gbēzᵛᵛᵛpi a gbēnaᵛ zī a ònè: A oè asu ìada aziawao, mi ka ké aà gè ma kpéuo. <sup>7</sup> Ayāmeto má ðlè mi ka mà mᵛ aà kíi mazíao. A oè aà yá'o, ma zīkenā i gbágbā. <sup>8</sup> Asa mapi sᵛ, wa iko vīaē, mé má iko vī sosaᵛwa. Mi o an gbēdoe aà gé, ᵛ ì gé. Mi o a páleē aà mᵛ, ᵛ ì mᵛ. Mi o ma zīkenāē aà ké bee kē, ᵛ ì kē. <sup>9</sup> Ké Yesu yápi mà, à bᵛ aà saē. Ǿ à ìlì a ò bíla pᵛ teazie: Mále oé, mi e gbēe ma náaikè kéwao, baa Isailiᵛ guu. <sup>10</sup> Ké zīnāpiᵛ èa sù, aa è zīkenāpi gbágbā.

*Gyaa né mēndona vua*

<sup>11</sup> Bee gbēa Yesu gè wéle pᵛ wī mē Naini. Aà iwao ᵛ gbēpāleᵛ gèaano dasidasi. <sup>12</sup> Ké à kà kái ᵛ wélepi bíibᵛleᵛ, a è wa ge sea wà bᵛᵛ. Gyaa né mēndonāē. Wélepideᵛ kú ᵛ nᵛepio dasi. <sup>13</sup> Ké Dii aà è, ᵛ à kèè wēnaũ a òè: Nsu ᵛᵛᵛᵛ. <sup>14</sup> Ǿ à sᵛ gēpizi à ᵛkà aà pēwa. Ké gbé pᵛ seaᵛ zè, ᵛ à mè: Ewaaso, má ònē vu. <sup>15</sup> Ǿ gēpi fèlè zᵛlè à nà yá'oawa. Ǿ Yesu aà kpà aà dawa. <sup>16</sup> Vīa gbépii kù, aa Lua sáaukpà aa mè: Wa ānabi

zõ è wá guu. Aa mè lɔ: Lua mò a gbéõ gwai. <sup>17</sup> Ǿ Yesu bao lí Yude búsua ní búsua pò liaaio píi.

*Záa Da'ilena zínaõ*  
(Mat 11.1-19)

<sup>18</sup> Záa íwaõ yá bee dàu aa siuè píi. Ǿ Záa ní gbéõn plaõ sísi, <sup>19</sup> à ní zí Diiwa aa aà la, aàpi mé gbé pò a mɔ ùa, ge wàõ wẽdõ gbẽpãleziẽ? <sup>20</sup> Ké gbépiõ kà Yesu kíi, aa òè: Záa Da'ilena mé wá zí wà n la, míme ní gbé pò a mɔ ùa, ge wàõ wẽdõ gbẽpãleziẽ? <sup>21</sup> Wegõõ Yesu gbéõ gbàgbã dasi ní ní gyãõ ní ní wãwãõ ní ní táaõ. A tò vĩaõ gu'è dasi lɔ. <sup>22</sup> Ǿ a ò Záa zínaõnẽ: A ge yá pò á è mé á màò dau siuè. A oè vĩaõ lé gu'e, ẽẽõ lé táa'o, mále gbãbõ kusudeõnẽ, swãdõõ lé yãma, geõ lé vu, taasidõõ lé baona waaso ma.\* <sup>23</sup> Báaaden gbé pò lí fuao ù.

<sup>24</sup> Ké Záa zínaõ tà, Yesu nà aà yá'oa bílaewa à mè: Bó a ge gwai gbáaui? Fee pò íana lé deede yà? <sup>25</sup> Bó a ge gwai wei? Gbé pò pòkasa zãe naaazi yà? Namablẽna pò aai pòkasa maa daõ ìõ ku kibẽẽ. <sup>26</sup> Bó a ge gwai wei? Anabi yà? Ao! Mále oé a de ãnabia se. <sup>27</sup> Asa Zãapi wà aà yá kè láu wà mè:

Má a zína gbae aà dõaa zekẽkẽnẽ.†

<sup>28</sup> Mále oé, nõe n'ia guu wi née i à kà Zãawao. N beeo gbé pò de gbé kpẽẽ ù kpala pò bõ Lua kíi guu deaála. <sup>29</sup> Ké gbépii aà yãmà, baa õsinaõ, õ aa yãnakpà Luawa, õ Záa ní da'ilekè.‡ <sup>30</sup> Falisio ní Mõizi ikoyãdanẽdõõ sõ aa gĩ yá pò Lua d̄ile à kenéi, õ aai wei Záa ní da'ilekèõ.

\* **7:22** Isa 35.5-6, 61.1 † **7:27** Mal 3.1 ‡ **7:29** Luk 3.12



<sup>31</sup> Bó má gbāgbēo λειῦδι? Bó aa bòwài? <sup>32</sup> Aa bò né pó kú gāa aale lezukōiowaε aale me:

Wa kule pèé, i ōwāo.

Wa wēnale síé, i ōbo.

<sup>33</sup> Asa Zāa Da'ilena mò, i pēε soo, i vēmio, ō a mè táadeε. <sup>34</sup> Gbēnazin Né mò, i poble, i imi, ō a mè asiade wēminaε, ōsinao ní luayādansaiō gbēnaε.

<sup>35</sup> Wī ōno dō ōnoŋao yākeawaε.

### *Tulalekaa Yesu gbáwa*

<sup>36</sup> Falisie Yesu gbèa aà mo pobleano. Yesu gè aà be, ō àle poble gengesekea. <sup>37</sup> Nōε dōε'ñidee ku wélepi guu. Ké a mà Yesu lé poble Falisipi be, ō à gè we tulale loona kūa. <sup>38</sup> A zè aà kpe aà gbázi, àle ōbo. Aà wé'i lé ká aà gbakpeaa, ō a wàa ní a mikāo, à lepèpe aà gbáwa, ō à tulalepi kàwà. <sup>39</sup> Ké Falisi pó aà sísiipi è màa, ō a ò a sō guu: Tó gbépiá ānabiε, dō à nōε pó lé okāwapi taa dō, ké dōε'ñideε. <sup>40</sup> Ō Yesu ò Falisipie: Simoo, má yāe ví mà onε. Simoo mè: O, Metulu. <sup>41</sup> Yesu mè: Dakenae mé kú, gbēon plaō aà fia kūa, gbēdo ānusu ōwatē òaa pla ní basoo, gbēdo sō ānusu ōwatē blakwi. <sup>42</sup> Lá aa pōe ví aa fiabodo, ō à ní ké an pla nípii. An guu, déme ao yeaazi de a dealai? <sup>43</sup> Simoo wèwà à mè: Mále e gbé pó wà aà kè ní ō zōoε. Yesu òè: N wè maaε. <sup>44</sup> Ō Yesu aedò nōepiwa, a ò Simooε: N nōepi èa? Ké ma gē n be, ni í kpa a n ma gbá pīpio, ō nōepi ma gbá pīpi ní a wé'io, a wàa ní a mikāo. <sup>45</sup> Ni lépeao. Nōepi sō, za goo pó ma gē la, i kāmabo ní lépea ma gbáwao. <sup>46</sup> Ni nísido ma miwao. Nōepi sō à tulale kà ma gbáwa. <sup>47</sup> Ayāmeto mále onε, a yemazi maamaa ké aà duun zōo kèwà yáie. Gbé pó wà aà kè ní a yōnoao sō, ao

ye adei yɔɔnnɔ sɔɛ. <sup>48</sup> ɔ a ò nɔɛpiɛ: N duuna kɛ̀ma. <sup>49</sup> ɔ gbé pɔ́ aale pɔ́ble sãnuɔ òkɔɛ: Dén gbépi ũ ké àle duunakɛ̀mái? <sup>50</sup> ɔ Yesu ò nɔɛpiɛ: Ma náai pɔ́ nle ke n suabà. Ta be aafia.

## 8

### *Nɔɛ pɔ́ tɛ Yesuzi*

<sup>1</sup> Bee gbɛa Yesu bèbe wéle ní wéleo, mɛɛwiao ní zɔɛwiao píi, àle waasoke, àle kpala pɔ́ bɔ́ Lua kíi baokpané. Aà ìwa gbɛɔn kuɛplao gɛ̀aàno <sup>2</sup> ní nɔɛ pɔ́ à táagònè à ní gbãgbã ní ní gyãɔɔ. Maliama pɔ́ wí me lɔ Maliama Madeleni, Yesu táa mèn soplao gòè kú ní guu <sup>3</sup> ní Elodi ziiia Kuza na Yoanao ní Suzãnao ní nɔɛ pãleo dasi. Aaño Yesu ní a ìwaɔ gwa ní pɔ́ pɔ́ aa vío.

### *Pówenkɛ̀le*

*(Mat 13.1-23, Maa 4.1-25)*

<sup>4</sup> Wà bɔ́ wéle ní wéleo wà kàaa Yesuzi, ɔ à yálèɛũné à mè: <sup>5</sup> Zɔɛe mé bɔ́ gè pɔ́wenakɛ̀lei. Ké àle kɛ̀le, a keeɔ lèle zé guu, wà táa'òwà, ɔ bãɔ mo blè. <sup>6</sup> A keeɔ lèle gbɛsɛɛna musu. Ké aa bòle, ɔ aa giigàga, ké aai mòse eo yáí. <sup>7</sup> A keeɔ lèle leɔ guu, ɔ lepɔ́ fɛ̀lɛ́nɔ sãnu, aa kùaaamá. <sup>8</sup> A keeɔ lèle tɔ́le maawa, ɔ aa bòle aa nɛ́lɛɛ basɔɔ. Ké a ò màa, à pùna à mè: Gbé pɔ́ nòse ví aà yápi ma.

<sup>9</sup> Aà ìwaɔ aà là yápi bɔ́lei. <sup>10</sup> ɔ à mè: Lua á gbá zé à kpala pɔ́ bɔ́ a kíi asiio dɔ́, ãma mi o gbé kíniɔne ní yálèɛũanɛɔɛ, ké aa gugwa pɔ́'esai, aa yãma dɔ́sai.\* <sup>11</sup> Yápi bɔ́len ke: Pówenapiá Lua yáɛ. <sup>12</sup> Zé guu pɔ́ɔ de gbé pɔ́ aa Lua yãmàɔ ũ, ɔ Ibiisi mò yápi bɔ́ ní sɔ

\* **8:10** Isa 6.9

guu, ké aasu Lua náaike, i ní suabao yáí. <sup>13</sup> Gbeseena pòó de gbé pò aa Lua yāmà aa sǐ ní pónaoo ũ, āma yápi lío zína ví ní guuo. Aaí Lua náaike gia, āma tó wà ní yó, aaí pòóbɔzākeε. <sup>14</sup> Le guu pòó de gbé pò aa Lua yāmàoo ũ, ɔ yākāakea ní àizεε yáo ní dúnia pónakeao ì kūaamá, aali fɔ ne'í à mào. <sup>15</sup> Tòole maa pòó de gbé pò aa Lua yāmà ní nòsepuaoo ɔ aa kūa ní nòsemaaoo ũ. Aaí menafɔ e aa ge káfíakεd.

<sup>16</sup> Wili filia na wà ta kúlewàoo ge wà dile lii zíeo. Wí di bábanawae, ké gbé pò lé gèoo gupua e yáí. <sup>17</sup> Pɔe ku ulea ké à gí bɔi gupuaoo. Asiiyāe ku ké wà gí mai wà o balu guuo. <sup>18</sup> Bee yáí à yāma ní laaio. Gbé pò pò ví ɔ Lua a káfíè. Gbé pò pɔe ví sɔo, pò pò àle e á ví Lua a siwàe.

*Yesu daεo*  
(*Mat 12.46-50, Maa 3.31-35*)

<sup>19</sup> Yesu da ní aà dāunaoo m̀d̀ aà kǐi, ɔ aai e s̀aàzio dasi yáí. <sup>20</sup> ɔ wa ò Yesue: N da ní n dāunaoo ku bàasi, aa ye n kɔ'eai. <sup>21</sup> ɔ a òné: Gbé pò aaí Lua yāma aa zikewàoo mé ma da ní ma dāunaoo ũ.

*Yesu zàa'iana zεa*  
(*Mat 8.23-27, Maa 4.35-41*)

<sup>22</sup> Ziewa Yesu gè gó'ílena guu ní a íwaoo, ɔ a òné: Wà bua ísida baale. ɔ aa dàzεu. <sup>23</sup> Goo pò aale gé, Yesu gè ní io. ɔ zàa'iana fèle ísidaa, í lé ká gó guu, aa ku kai guu. <sup>24</sup> ɔ aa s̀aàzi aa aà vù aa m̀: Mae! Mae! Wále kaale! ɔ à fèle gí íanaε ní í pò lé ní gó zāampapao, ɔ à zè, gu kè kílíkili. <sup>25</sup> ɔ a òné: A ma náai víoa? ɔ yápi òmá, vía ní kú, ɔ aa òkɔe:

Dén gbépi ũi móo? Baa íana ní ío, ì yādilené, aai àà yāmaε.

*Táa dia sàwaεne  
(Mat 8.28-34, Maa 5.1-20)*

<sup>26</sup> Ǿ aa kà Gadala bùsuú ísida baale, Galile bùsuú gukpε oi. <sup>27</sup> Ké Yesu bùa sísíá, à kpàaũ ní wélepí gbé pò táa vío. A gòoplakè ní pónaaazio, mé ìlío ku beo, sema miagβε'εo guu. <sup>28-29</sup> Wí aà yeye ní módaonaó, wí aà daliu aà zùukea yái, kási ì módaonapíó kékεε, táapí i aà zu sēu. Ké à Yesu è, ̄ à wiilè à kùle aà aε, ̄ à pūna à mè: Lua Musude Né Yesu, bóme wá daaai? N yá na! Nsu íadaao. A bee ò ké Yesu lé o táapí gowà yáiε. <sup>30</sup> Ǿ Yesu aà là à mè: N tón kpelewai? Ǿ à mè: Ma tón Dasi. Asa táaó kuwà dasiε. <sup>31</sup> Ǿ táapíó wabikè Yesuwa asu oné wà si gbáo guuo.

<sup>32</sup> Sàwakusan waió ku we, aa kpèεεε, aale pòble sísipóleu. Ǿ táapíó wabikè Yesuwa aà ní gba zé wà diné. Ǿ Yesu ní gbá zé. <sup>33</sup> Ǿ táaó gò gbépiwa aa dī sàwaεne. Ǿ sàwapíó wí ní bao aa sí sòonau, aa kà ísiu aa kpàle. <sup>34</sup> Ké an dānaó è màa, aa bàalè gè yápi oiné wéle guu ní bualoũ. <sup>35</sup> Ǿ wà bòle yá pò kèpi gwai. Ké aa kà Yesu kíi, aa gbé pò táaó gòwàpi è zòleá Yesu gbázi. A pòkasa naaazi, à gè a laaiwa. Ǿ vía ní kú. <sup>36</sup> Ké gbé pò yápi kè ní wáaó òné lá wà táadepi gbàgbā, <sup>37</sup> ̄ Gadala bùsuú gbépii awakpà Yesuε aà gońla, asa vía ní kú maamaaε. Ǿ à gè gó guu, a ye tá. <sup>38</sup> Gbé pò à táaó gòè awakpàè à e àò kuaànó. Yesu gèè à mè: <sup>39</sup> Εa ta n be, ní yá pò Lua

kènɛ dau n̄ siuné píi. Ǿ à tà à yá pó Yesu kèɛ kpàwakè wé̄lɛpi guu píi.

*Zailu né vua n̄ nɔɛ pó ɔkà Yesu ulawao*  
(*Mat 9.18-26, Maa 5.21-43*)

<sup>40</sup> Ké Yesu èa sù, ɔ bíla gbãakpààzi, asa gbépii lé aà dāɛ. <sup>41</sup> Ǿ gɔɛ pó de lousisikpɛ dɔaana ũ, wĩ mɛ Zailu, mò wùlɛ a gbɛɛu Yesu gbázi, à awakpàè aà gé a bɛ, <sup>42</sup> ké aà né m̄ndona lé ga yái. Nɛnɔɛpi kà wè̄ kuepla. Ké àlɛ gé, ɔ bíla lé aà ḡsoomble.

<sup>43</sup> Nɔɛ ku we, au lé bɔlɛwà à kà wè̄ kuepla. Pó pó nɔɛpi ví píi a dè ɛsɛdeɔ kíi, àma gb̄ɛ i f̄ɔ aà gbàgbāo. <sup>44</sup> Ké à s̄ò Yesuzi aà kpɛ, ɔ à ɔkà aà ula léwa. Weḡɔ aà aubɔlɛa zè. <sup>45</sup> Ǿ Yesu m̄: Déme ɔkàai? Ǿ gbépii m̄ á a yá d̄ɔ. Ǿ Piɛɛ m̄: Mae, bíla liaanzi, aalɛ naɛma. <sup>46</sup> Ǿ Yesu m̄: Gb̄ɛ ɔkàa, asa má d̄ɔ ké gbāa b̄omagɛ. <sup>47</sup> Ké nɔɛpi è wà a yá d̄ɔ, ɔ à mò ní lualuaao, à wùlɛ a gbɛɛu aà gbázi, ɔ à yá pó tò a ɔkàwà ò gbépii wáa ní lá pó à aafia'è ḡɔɔ. <sup>48</sup> Yesu ò: Nɔɛ, ma náai pó ní kè mé n gbàgbā. Ta bɛ aafia.

<sup>49</sup> Ké Yesu lé o màa, gb̄ɛ b̄ò lousisikpɛ dɔaanapi bɛ, à mò a ò: N népi k̄ɛsai. Nsu tákpa m̄tuluzi p̄ao. <sup>50</sup> Yesu yápi mà, ɔ a ò Zailue: Nsu to n s̄ɔ vío. Ma náaike lé, a gbàgbā. <sup>51</sup> Ké à kà aà bɛ, i wei gb̄ɛ ḡɛanɔ, sema Piɛɛ ní Zāao ní Zaakio ní népi deo ní aà dao. <sup>52</sup> Gb̄ɛ pó kú weɔ lé ɔɔlɔ píi, aalɛ nízia gb̄ɛgb̄ɛ. Ǿ Yesu m̄: Asu ɔɔlɔ. I gao, àlɛ i'òɛ. <sup>53</sup> Ǿ aa aà kè p̄ɔp̄ɔ, asa aa d̄ɔ à ḡaɛ. <sup>54</sup> Yesu aà k̄u a ɔwa, ɔ à p̄una à m̄: Nɛnɔɛna, fele! <sup>55</sup> Ǿ aà w̄ɛni sù, à f̄ɛlɛ ḡɔɔ. Yesu

mè wà pɔblea kpawà. <sup>56</sup>Yápi dī népi de ní aà daowa, ò Yesu òné aasu yápi o gbēe maó.

## 9

### *Yesu a ìwa gbēon kuεplaɔ zia* (*Mat 10.5-15, Maa 6.7-13*)

<sup>1</sup> Yesu a ìwa gbēon kuεplaɔ kãaaazi, ò à ní gbá zé aao iko ví táa bui píiwa, aa gyãeɔ gbágbã. <sup>2</sup> Ɔ à ní zī kpala pɔ bò Lua kíi yá waasokɛi, aao gyãeɔ gba aafia. <sup>3</sup> A òné: Ásu pɔe se geòo, gopana ge babalaboo ge kūsūa ge ōa ge ula plaade. <sup>4</sup> Ua pɔ a pilau ào ku we e à ge gēò zéa. <sup>5</sup> Wéle pɔ wi gbáakpauázio à bo, í koolemá an toa ní Luao seela ū. <sup>6</sup> Ɔ aa dàzeu aa bèbe wéle ní wéleo, aa baonakpáné, aa gyãeɔ gbàgbã gupiiu.

<sup>7</sup> Ké kí Elodi yá beeɔ mà píi, ò à bílikè, asa gbēeɔ mè Zãa Da'ilena mé bò gau, <sup>8</sup> gbēeɔ mè Elia mé bò mòmá, gbēeɔ mè l'ānabi yāaɔ do mé vù. <sup>9</sup> Elodi mè: Ma Zãa mi zò. Dén gbé pɔ ma aà bao màe bee ūi móo? Ɔ àle wele wesiaàle.

### *Yesu blekpaa bilawa* (*Mat 14.13-21, Maa 6.30-44, Zãa 6.1-15*)

<sup>10</sup> Ké zīnapiò sù, ò aa yá pɔ aa kèò dàu a sūu Yesue. Ɔ à ní sé n̄t̄e à gèr̄n̄o wéle pɔ wī me Besaida. <sup>11</sup> Bíla dò, ò aa pèleaazi. A gbáakpán̄zi à kpala pɔ bò Lua kíi yá'òné, ò à gbé pɔ aa ye aafiaiò gbàgbã.

<sup>12</sup> Iatē busaa ìwa gbēon kuεplaɔ s̄s̄aazi aa òè: Gbēo gbae aa ta pilakíi ní pɔbleao welei z̄s̄ewiaɔ ní bualoũ pɔ kú káiò guu, asa s̄s̄gbã wá kúu la. <sup>13</sup> A òné: Apiò à pɔblea kpámá. Aa mè: P̄e mèn s̄o ní kpò mèn plao

ṣ wá wí. Sema wà gé blé lúi bílaε bàasio. <sup>14</sup> Gõε pò kú weo kà lán gbẽon òaasoo leε soo taawa (5.000). Ɔ a ò a ìwaonε: A to aa zõle gágã gbẽon blakwikwi. <sup>15</sup> Ɔ aa kè màa aa ní zólεzõle píi. <sup>16</sup> Ɔ à p̄ε mèn soo ní kpò mèn plapio sè, à wesè musu à báaadàu. Ɔ a è'ε kpà a ìwawa, aa bìile bílaε. <sup>17</sup> Ampii aa pòblè kà, ṣ wà a miɔna pò f̄ε sèle gbí kuεpla.

*Piε Yesu Mesiike oa  
(Mat 16.13-23, Maa 8.27-33)*

<sup>18</sup> Ziεwa ké Yesu lé wabikε ado, aà ìwao m̀ò aà lè, ṣ à ní lá à m̀è: Dé dasilε o má dε a ùi? <sup>19</sup> Aa wèwà aa m̀è: Zāa Da'ilenaε. Gb̄εo ì mε Eliaε. Gb̄εo ì mε ānabi yāo do mé vù.\* <sup>20</sup> Ɔ à ní lá à m̀è: Apio s̄o, dé ále o má dε a ùi? Piεε wèwà à m̀è: Lua gb̄é pò w̄i mε Mesiie. <sup>21</sup> Ɔ à ḡiné aa yápi o gb̄ee. <sup>22</sup> Ɔ à m̀è: Sema Gb̄ēnaz̄in Né taasikε maamaa. Gb̄ēz̄oo ní sa'onkiao ní M̄ozi ikoyādanεdeo giaàzi, aai aà dε, a ḡoo àaōde z̄í i vu.

*Yesu lia  
(Mat 16.24-17.13, Maa 8.34-9.13)*

<sup>23</sup> Ɔ a ò gb̄épiiε: Tó gb̄é ye ke ma ìwa ũ, aà gi az̄ia w̄ēnizi, io a lip̄aak̄o sε lá gu lé d̄o, i temazi. <sup>24</sup> Gb̄é pò ye ào a w̄ēni k̄ūa, w̄ēnipi a v̄ūaawàε. Gb̄é pò ḡi a w̄ēnii ma yáí s̄o, ade mé ao w̄ēni w̄i. <sup>25</sup> Tó gb̄é ḡò d̄únia búu w̄i, mé a kpà az̄iai à k̄ua ziawa, bó ài a èi? <sup>26</sup> Tó gb̄é zεaman̄o widè ge ma yá, Gb̄ēnaz̄in Né a zεaaàn̄o wide s̄o, ḡoo pò a m̄o a gawi guu ní a Mae gawio ní a malaikao gawio. <sup>27</sup> Siana málε oé, gb̄é pò aa ku laeo ga k̄ia pò Lua kpà esaio.

\* **9:19** Luk 9.7-8

28 Yá bee oa gbɛa, a gɔɔ la taawa ɔ à Piɛɛ ní Zāao ní Zaakio sè dèdèńń gbèsísí musu wabikɛi. 29 Ké àlɛ wabikɛ, aà oa lile, aà ulaɔ lé tɛkɛ púntaitai. 30 Kándo gbɛɔn plaɔ ku we, Mɔizi ní Eliaɔɛ, aale yá'oaàń. 31 Aa bò mòwà gawi guu, aale ánuá pọ a to Yelusaleũ yá'o. 32 Piɛɛ ní a gbéɔ gè ní io. Ké aa vù, aa Yesu gawi è ní gbɛɔn pla pọ ze aà saɔ. 33 Ké gbɛɔn plapiɔ lé kékɔwa ní Yesuo, Piɛɛ òè: Mae, a maa wàɔ ku laɛ. Wà lákpe dɔ mèn aaɔ, n pọ do, Mɔizi pọ do, Elia pọ do. A dɔ lá ále oo. 34 Ké àlɛ o màa, luabɛpuana kùaaamá. Ké aa gò ka a guu, vĩa ní kú. 35 Ǿ lɔɔɛ bò luabɛpuanapi guu à mè: Gbɛɛ beeá ma Néɛ. Ma aà d̄lɛ, à aà yáma.† 36 Lɔɔpi maa gbɛa aa è Yesu mé gò we ado. Iwapiɔ ní lé f̄, aai yá pọ aa è o gbɛɛɛ gɔɔ beeo.

*Yesu nɛgɔɛ táade gbàgbāa  
(Mat 17.14-23, Maa 9.14-32)*

37 Ké gu dò, aa p̄la s̄s̄ipi musu, ɔ bíla mò dai Yesulɛ. 38 Bíla guu gɔɛɛ p̄na à mè: Metulu, n yá na! Ma né gwaa, asa ma né pọ má v̄n we. 39 T̄áa ì felewà, ɔ ì wiilɛ kándo. I aà z̄iaz̄ia e aà lé'i f̄l̄abɔlɛ, ì ìadawà, ìli gowà kpaaɔ. 40 Ma wabikè n ìwaɔwa aa táapi go, ɔ aa f̄ua. 41 Yesu mè: Gbàgbɛ kolea luanaaikensaiɔ! M̄á kúánɔ e bɔɛ ní? M̄á menakéánɔ e bɔɛ ní? M̄ó ní n n̄épiɔ la. 42 E n̄épi àɔ gé s̄oiaazi, ɔ táapi aà nè à aà z̄iaz̄ia. Ǿ Yesu ḡi táapie à n̄épi gbàgbã, ɔ à aà kpà aà maewa. 43 Lua iko z̄ɔɔ yápi gbépii kù gbāa.

† 9:35 Isa 42.1, Sou 2.7, Luk 3.22



Gbḗc lé elea Yesu yákeawa píi, ò a ò a ìwaone: <sup>44</sup> Aò yáe bee kŭa á nòse guu. Wa Gbēnazin Né na gbḗcne n zī tia. <sup>45</sup> Aai yápi dōo, a mi uleané, ò aai mao, mé aa yápi laawà viakè.

*Tɛa Yesuzi*

*(Mat 8.19-22, 18.1-5, Maa 9.33-40)*

<sup>46</sup> Ǿ aa fèle n lekpaao deakōa yá musu. <sup>47</sup> Yesu làasoo pò kú n nòse guu dō, ò à né se zè a sae. <sup>48</sup> A òné: Gbḗ pò née bee taa dilɛ ma ìwake yáí, ade ma dilɛɛ. Gbḗ pò ma dile sō, ade gbḗ pò ma zī dilɛɛ. A gbḗ pò de gbḗ kpeɛ ũ á guu mé zōo.

<sup>49</sup> Ǿ Zāa yāsè à mè: Mae, wa gbḗe è àle táago n n tóo, ò wá ye giè, ké ìliò téwázio yáí. <sup>50</sup> Ǿ Yesu òè: Asu gièo, asa gbḗ pò i ìbeleséánòoá bàakpeɛɛ.

<sup>51</sup> Ké Yesu fele taa luabe gōo kà kái, à mipè Yelusaleŭwa. <sup>52</sup> Ǿ à gbḗc gbàe aa dōaaɛ. Aa gè gè Samali bùsu zōewiaɛ guu sɔukeiè. <sup>53</sup> Ǿ wélepideo i aà dilɛo, ké à mipè Yelusaleŭwa yáí. <sup>54</sup> Ké aà ìwaɛo Zaaki n Zāao è màa, aa mè: Dii, n ye wà o té bō luabe à mō kú má yà? † <sup>55</sup> Ǿ Yesu lili à gíné. <sup>56</sup> Ǿ aale gé wéle páleu.

<sup>57</sup> Ké aa be zéu, gbḗe mō ò Yesuɛ: Gu pò nle géu píi, máo tenziɛ. <sup>58</sup> Yesu òè: Gbḗghbonaò n tòo ví, bāo n sakpe ví. Gbēnazin Né sō a ìampakii vío. <sup>59</sup> Yesu ò gbḗpálee: Mō temazi. Ǿ gbḗpi mè: Dii, to e ma de'ia kpagui gĩa. <sup>60</sup> Yesu òè: Tó gɛo n gɛo ví. Mpi sō gɛ kpala pò bō Lua kíi yá waasoke. <sup>61</sup> Gbḗpále ò lō: Máo tenzi Dii, áma to mà gé lezai ma bɛdeɔwa gĩa. § <sup>62</sup> Yesu òè: Gbḗ pò soona na a zī mé àle a kpe

† 9:54 2Kia 1.9-16 § 9:61 1Kia 19.20

gwa, ade i kōsi ní kpala pò b̀ Lua kíioo.

## 10

*Gb̃̀on bàaṣkwi ní plao z̃̀ia*  
(*Mat 11.20-27, 13.16-17*)

<sup>1</sup> Bee gb̃̀ea Dii gb̃̀on bàaṣkwi ní plao p̃̀aleṵ d̃̀ile, ṵ à ní z̃̀í gb̃̀on plapla aao d̃̀aae w̃̀éleṵ guu ní gu pò á ye g̃̀eṵ p̃̀ii. <sup>2</sup> A òné: Pòkekea z̃̀o, a k̃̀ekenaṵ bílao. A wabike Budewa aà z̃̀ikenaṵ gbae pòkekei. <sup>3</sup> A dazeu. Mále á z̃̀í s̃̀ao ũ àwaləwanaṵ guueaṵ! <sup>4</sup> Asu m̃̀okpe seṵ ge babalabṵṵ ge kyaleṵ. Asu ze z̃̀éu à f̃̀kpa gb̃̀ewao. <sup>5</sup> Ua pò a g̃̀eṵ p̃̀ii, à o g̃̀ia Lua uapi gba aafia. <sup>6</sup> Tó aafiade ku we, á f̃̀i aafiade a g̃̀ò. Tó a ku we s̃̀o, a ea suwáe. <sup>7</sup> Aṵ ku uapiu, à pò pò wa kpàwá ble ge p̃̀omia, asa z̃̀ikena kà à a asea ee. Asu àṵ s̃̀o k̃̀iikpakpao. <sup>8</sup> W̃̀éle pò a g̃̀eṵ mé wà á díle, à pò pò wà m̀òé ble. <sup>9</sup> A w̃̀élepi gỹ̀aeṵ gb̃̀ágb̃̀á, í o gb̃̀éne kpala pò b̀ Lua kíi k̃̀aṛnṵ k̃̀ai. <sup>10</sup> Tó a g̃̀e w̃̀éleu mé w̃̀i á dileṵ s̃̀o, à b̃̀ole g̃̀aae, í me: <sup>11</sup> Baa á w̃̀éle luut̃́ pò kpà wá gb̃̀awa, wá k̃̀oleowáe. \* Aṵ d̃̀s̃̀aas̃̀a k̃̀é kpala pò b̀ Lua kíi kà k̃̀ai. <sup>12</sup> Mále oé, yákpalekeg̃̀oṵ z̃̀í ía pò Lua a da S̃̀oṵdeṵwa a ka w̃̀élepideṵ p̃̀owao. †

<sup>13</sup> Waiyoo Kolaz̃̀enideṵ! Waiyoo Besaidadeṵ! Dabudabu pò má k̃̀é á w̃̀éleṵ guu, tó má k̃̀é Tii ní Sid̃̀o ỹ̀aa, d̃̀s̃̀ w̃̀élepideṵ zw̃̀ankasaṵ k̃̀aṛñ̀la, aa z̃̀òle tufua à g̃̀èg̃̀è ñ̀selilea seela ũ. <sup>14</sup> Yákpalekeg̃̀oṵ z̃̀í á íadama aṵ de Tiideṵ ní Sid̃̀odeṵ p̃̀oa. ‡ <sup>15</sup> Kap̃̀enaṵdeṵ s̃̀o, á gb̃̀a z̃̀o luawa ỹ̀a? Wa ṵz̃̀áz̃̀ie e beṵau. §

\* **10:11** Luk 9.5 † **10:12** Daa 19.24-28 ‡ **10:14** Isa 23.1-18, Yoṵ 4.1-4 § **10:15** Isa 14.13-15

16 ☩ Yesu ò a ìwapiɔne: Gbé pò á yāmà, ade ma yāmàε. Gbé pò gǎázi, ade gǐmaziε. Gbé pò gǐmazi sǒ, ade gǐ gbé pò ma zǐziε.\*

17 Gbēɔn bàáɔkwi ní plaopiɔ gè, ɔ aa èa sù ní pɔnao aa mè: Dii, baa tááɔ misǐilewēε n tó yáí. 18 Yesu òné: Málε gugwa, ma Setāu è à bàε luabε lán loupilεawa. 19 Ma iko kpáwá à táa'o mlēɔ ní sóiɔ ní á ibεε gbāa píiowaε, pɔe a fɔ à á ke'iao.† 20 N beeo ásu pɔnake ní mi pò tááɔ ì siileéoo. A pɔnake á tó pò kú taalau luabε yáí.

21 Zibeezi Lua Nisina Yesu pɔ kèna maamaa à mè: Baa, zǐle ní musuo Dii, lá n yá beeo ùle yādōnaɔne ní ɔnɔnaɔ, mé n bɔɔ ladōnsaiɔne, ma n sáaukè. Ao, Baa, bee kàngu màa. 22 Ma Mae pópíi nàmεε ma ɔzǐε. Gbēε Lua Né dōo, mé i ke Mae Lua bàasio, mé gbēε Mae Lua dōo, mé i ke aà Né ní gbé pò Népi yei aà ɔlɔnéɔ bàasio.

23 ☩ Yesu aedò a ìwaɔwa a òné ní tēε: Báaadeɔn á ũ yá pò ále e ní wéoo yáí. 24 Málε oé, ānabiɔ ní kíaa ku yāa dasi, aa ye yá pò ále eo e, aai eo. Aa ye yá pò ále maɔ ma, aai maɔ.

### *Samali gbēmaa*

25 Ikoyādōnae mé fēle lé líkpale Yesuwa à mè: Metulu, kpelewa má ke mà àizāna ei? 26 Yesu òè: Kpelewa a ku Mɔzi ikoyā guui? Ni a kyoke n ma kpelewa ni? 27 Gbépi wèwà à mè: Nyɔ ye Dii n Luazi ní nòsemendoo teasisai n gbāa pua léu, n sǒ iɔ kuwà,‡ níɔ ye n gbédeezi lán nzia wēniwa.§ 28 Yesu

\* 10:16 Luk 9.48 † 10:19 Sou 91.13 ‡ 10:27 Iko 6.5 § 10:27 Lev 19.18

òè: N wè maaε. Nyõ ke màa, ríyõõ ku.\* 29 Ɔ gbépi ye yānakpa aziawa, ɔ à Yesu là à mè: Déme ma gbédee ũi?

30 Ɔ Yesu òè: Gbēe mé bò Yelusaleũ àε gé Yeliko, ɔ kpáiweliwεɔ kpàaũaànɔ. Aa aà pɔɔ siwà, aa aà gbè dúuduu e à kà gaa. Ɔ aa aà tò we, aa gèzεa. 31 A mɔ lè sa'onae zé doupi sè. Ké à aà è, ɔ à d̀aàzi. 32 Maaε lɔ ké Levii buie kà gupiu, à aà è, ɔ à d̀aàzi. 33 Samali bùsu gbēe bε zépiu. Ké à mò aà è, ɔ à k̀è wēnaũ. 34 A s̀aàzi, à εε mà aà gu pɔ k̀è ɲaowa ní nísio ní v̄εε, à pɔ yèyewà. Ɔ à aà sε d̄i a zàa ɲina kpe, à g̀eàànɔ nibɔɔ pilakii. Ɔ à aà gwà we. 35 Ké gu d̀ò, ɔ à ánuusu ɔwat̄ε b̀ò mèn pla a kpà pilakiidewa à mè: N aà gwamεε. Tó n εa n ɔablè dε beea aà yá musu, má a fiabonε, tó ma su.

36 T̀ò, gbēɔn àaɔpio guu, an déme gbēkεk̀è gbé pɔ kpáio kpàaũaànɔpiεi? 37 A wèwà à mè: Gbé pɔ wēnad̀èε. Ɔ Yesu òè: Gε ñ ke màa s̄.

### *Yesu kua Maata ní Maliamao bε*

38 Gɔɔ pɔ aa bε zéu, aa kà w̄éleu, ɔ nɔε pɔ w̄i mε Maata Yesu d̄iε. 39 A d̄auna v̄i, w̄i mε Maliama, à z̀lε Dii gbázi, àε aà yāma. 40 Kina z̄i dà Maatala, ɔ à mò Yesu k̄i à mè: Dii, ké ma d̄auna ma to z̄ipie mado, i kenε yāe ũo lé? Oè aà d̄malε. 41 Ɔ Dii wèwà à mè: Maata, Maata, ɲlε yāe k̀aake, ɲlε ɲada nziawa ní yáɔ dasi. 42 A m̀endo mé zεv̄i. Maliama baa maa sè mé wa siwàò.

---

\* **10:28** Lev 18.5

# 11

## *Wabikεa* (*Mat 6.9-15, 7.7-11*)

<sup>1</sup> Ziewa Yesu lé wabikε guei. Ké a làa, aà ìwae òè: Dii, wabikεa dawēε lá Zāa dà a ìwawεwa. <sup>2</sup> Ǿ a òné: Tó ále wabikε, àli mε:

Baa, to wà dō ké n kua adoa.

To kpala pó b̀̀ n k̀̀i b̀̀ gupuau.

<sup>3</sup> Wá gba ú pó wáw ble lá gu lé d̀̀.

<sup>4</sup> Wá duuna kéwá,

asa wi gbé pó tàakèwēε kē piiε.

Nsu to wà fu yāwawo.

<sup>5</sup> Ǿ a òné: Gbēε mé gbēna ví, ̄ a gè aà k̀̀i wεεdo a òè:

Ma m̀̀ n k̀̀iε, p̄ε sēamεε m̀̀n àā. <sup>6</sup> Nib̄ε p̄l̄aa tiaε, má p̄ε ví mà kpawào. <sup>7</sup> Ǿ aà gbēnapi wèwà za k̄p̄εa à mè: Nsu ìadaao, ma zetà k̀̀. Ma ta kp̄éu ní ma néo,

má f̄ fele mà kpamao. <sup>8</sup> Mále oé, baa tó i fele kpàwà gbēnake yáio, a fele pó pó a yei kpawà ké a zeazi yái.

<sup>9</sup> Mapi s̄ mále oé, à wabikε, Lua i kpáwá. A wεεε, í e. A gbalε, Lua i wēé. <sup>10</sup> Asa gbé pó wabikè, w̄i aà gbaε, gbé pó pó wèεε ì eε, mé gbé pó gbalè, wa wèè.

<sup>11</sup> A gbé pó á néo ví, tó á né kp̄o wabikèwá, á déme a p̄iligona kpawài? <sup>12</sup> Ge tó à kogbe wabikèwá, á déme a sói kpawài? <sup>13</sup> Baa ní á v̄aikεo, lá á p̄maa kpaa á néowa d̄o, á Mae pó kú musu a a Nis̄ina kpa

gbé pó a wabikèwawao lé?

## *Táagoa* (*Mat 12.22-30,43-45, Maa 3.20-27*)

<sup>14</sup> Yesu lé t̄aa swādo go gbéwa. Ké à t̄api g̀̀, swādopi nà yā'oawa, ̄ yápi b̀̀ bíla sac. <sup>15</sup> Ǿ an



geomidokii oi nœ kía a fele yáda gbāgbēɔlae, asa à bò za tɔɔle léwa à mò Salomɔɔ ɔnoyā maie,† mé gbé pó a zɔɔ de Salomɔɔa ku la. <sup>32</sup> Yákpalekegeɔɔzi Ninivadeɔ fele yáda gbāgbēɔlae, asa ké Ninivadeɔ Yonasi waaso mà, aa nòselele,‡ mé gbé pó a zɔɔ de Yonasia ku la.

<sup>33</sup> Wili filia na wà dile gusɔɔnauo ge wà pēna kúlewàò. Wì di bábanawae, ké gbé pó aale gēɔ gupua e. § <sup>34</sup> N wé mé n me filia ũ. Tó n wé kú gudoũ, n mē pii aɔ gupua vīe. Tó n wé kú plapla sɔ, n mē pii aɔ gusia vīe. <sup>35</sup> Ayāmeto laaika ké gupua pó ríle e ní vī su àɔ de gusia ũo. <sup>36</sup> Tó n mē pii gupua vī mé a kee ku gusiauo, aɔ gupu wásawasa lándɔ filia í dɔmawae.

*Zɔadɔa Mɔzi ikoyadanedeɔ ní Falisiɔwa*

*(Mat 23.1-36, Maa 12.38-40, Luk 20.45-47)*

<sup>37</sup> Ké Yesu yā'ò a làa, ɔ Falisie wabikèwà aà mɔ pɔbleanɔ, ɔ à gè zòle. <sup>38</sup> Ké Falisipi è i ɔpipi lá aai kéwa à gbàsa lé pɔbleo, à bò aà sae. <sup>39</sup> Ǿ Dii òè: A Falisiɔ i gbābɔ bisaɔ kpɛɛ ní taɔ, kási bíi ní yāvāikɛao mé á nòse pà. <sup>40</sup> Sɔũɔ! Lua pó a kpɛ kè i a guu kɛo lé? <sup>41</sup> A pó pó kú á taɔ guu dā wēnadeɔne, á tapiɔ i gɔé gbālesai.

<sup>42</sup> Waiyoo á Falisiɔ! I toeɔ dosina ní kpɛaanao ní dopɔɔ pii kwide kpa Luawa,\* ɔ i pākpa yágɔgɔa a zéwai ní yea Luapizio. Yá beeɔ mé de àɔ kŭa pākpa a kŭniɔzi sai. <sup>43</sup> Waiyoo á Falisiɔ! Iɔ ye zòlea gumaau lousisikpeu, iɔ ye wàɔ fɔkpakpawá gāae.

† **11:31** 1Kia 10.1-10 ‡ **11:32** Yon 3.5 § **11:33** Luk 8.16

\* **11:42** Lev 27.30

44 Waiyoo ápiò! A de lán mia kpeena pò wìò taa'owà d̄saiwae.

45 Ǿ ikoyādōnae òè: Metulu, tó ní ò màa, níe wá s̄s̄s̄ s̄e. 46 Yesu mè: Waiyoo á ikoyādōnao s̄o! I gb̄é da asosea z̄í'ũu, mé ili ɔdamá ní a seaoo, baa ɔton do. Waiyoo ápiò! 47 I pò bo ānabi pò á deziò ní dedeò miaɔwa d̄nḡu yáí. 48 Bee lé ɔò gb̄éne ké a ze ní á deziò yākeae. Aa ānabiò d̄ede, ɔ́ ále pò bo ní miaɔwa. 49 Ayām̄eto Lua ɔno guu à mè á ānabiò ní z̄inao gbaewá, í ní gb̄eò dede, í ìada ní gb̄eɔwa. 50 Lua a ānabi pò wà ní dede za d̄únia daaleḡo e gb̄āo au t̄osi gb̄āgb̄eɔpiowa. 51 Ao, mále oé, za Abeli dea† e à ḡè p̄è Zakali pò wa d̄è sa'ok̄ii ní Lua kp̄éo z̄ānguowa,‡ Lua a ní au t̄osi gb̄āgb̄eɔwae. 52 Waiyoo á ikoyādōnao! A d̄oa zé kili wò. I ḡeuo, mé a gi gb̄é pò aa ye ḡeune. 53 Ké Yesu b̄ò we, Moizi ikoyādanedeò ní Falisiò aà lè p̄ās̄ip̄ās̄i, aale yá dasi lalawá, 54 aale aà kpakpa ké aa e wà aà k̄ū yá pò àle o guue.

## 12

### *Zea ní Yesuo gb̄é ɔe (Mat 10.19-33)*

1 Goo bee bíla n̄n̄oaaaàzi, wa ní lé d̄ō, e aale k̄eɛpelepelek̄owa, ɔ́ à yā'ò a ìwaone ḡia à mè: A laaika Falisiò m̄oafilii, ì linla lán p̄eɛse'esewae. 2 Yá pò ulea a b̄o gupuu p̄ii. Asiiyāe ku ké wa ḡi d̄ōio.\* 3 Beewa yá pò á ò gusiau, wa ma gupuu, mé asiiyā pò á ò k̄ō swáú làasiu, wa a kpàwake ḡāe.

† 11:51 Daa 4.8 ‡ 11:51 2Lad 24.10-21 \* 12:2 Luk 8.17



<sup>4</sup> Ma gbēnao, mále oé, gbé pọ a á de mé a gbēa a f̄s yāe kéé lo, ásu viakèò. <sup>5</sup> Má gbé pọ de à viakèè oé. A viakè Lua pọ gbé zua té guu aà ga gbēa iko viē. Ao, mále oé, à viakè aàpiē. <sup>6</sup> Wili gòlegolena mèn soo yía daa plao lé? Kási baa a mendo yá lí sá Luaguo. <sup>7</sup> Baa á mikāo, a a lé d̄s. Ásu viakèo, á de gòlegolen dasiɔla.

<sup>8</sup> Mále oé, gbé pọ zèmano gbéó aē, Gbēnazin Né a zeaàno Lua malaikaō aē. <sup>9</sup> Gbé pọ lelekpāmazi gbéó aē s̄s, má lelekpaaàzi Lua malaikaō aē. <sup>10</sup> Tó gbé Gbēnazin Né b̄ēbò, Lua a aà ké. Ama tó gbé Lua Nisina t̄b̄ēsì, a kēa v̄io. <sup>11</sup> Tó wàlè géáno yákpaleu lousisikp̄eu ge kíao ní gbāadeo aē, ásu bílikè b̄okii yáwao ge yá pọ á o, <sup>12</sup> asa Lua Nisina mé a yá pọ de à o daé z̄ibeez̄i.

*Aiz̄eē*  
(Mat 6.19-34)

<sup>13</sup> Zā guu gbēe ò Yesue: Metulu, o ma v̄iē aà ma aseaa kpaa wá túbi guu. <sup>14</sup> Ŋ a wèwà à m̄è: Ma gbé, déme ma dile á yákpalekena ūi ge á yāgōgōna? <sup>15</sup> Ŋ a ò bílae: Aō ázia k̄ua d̄s. A laaika p̄opii bíikeai, asa àiz̄eēá gbēnazina wēni no, baa tó a z̄s.

<sup>16</sup> Ŋ à yāl̄ēūné à m̄è: Ōdee mé kú, aà bua bl̄ek̄èè maamaa, <sup>17</sup> ō à láasookè à m̄è: Má ke kpelewa ni? Má bl̄ewekakii v̄io. <sup>18</sup> Ŋ à m̄è: Lá má ken ke: Má a bl̄ewekakiiō gbooe, mí a z̄sō bobo, mí a p̄ówena káu píi ní ma àiz̄eēo, <sup>19</sup> mí o maz̄iae: Ma gbé, ní k̄ūs̄ua v̄i z̄s, a kanno wē ūma? Káma bo, p̄oble, imi, p̄onake. <sup>20</sup> Ŋ Lua òè: Sou, gwāas̄inae bee má n wēni gbēama. Sou pọ ní k̄è a ḡs dé pọ ūē? <sup>21</sup> M̄a aō de ní gbé pọ lé àiz̄eē k̄āaa az̄iae mé a de òde ū Luaeoo.

22 Ǿ a ò a ìwaɔnɛ: Ayãmeto mále oé, ásuli á wēni kãake pɔblea yá musuo, ásuli á me kãake pɔkasa yá musuo. 23 Wēni de pɔbleala, me de pɔkasala. 24 A gbagbaaɔ gwa. Aali pótɔo, aali pɔkekeo, aa dɔ ge gbà zòlo vïo, mé Lua ì ní gwa. A de bãla zɔɔo lé? 25 A guu déme a fɔ à a wēni gbàa káfi, baa gɔɔ do, a yãkãakea guui? 26 Lá á yá yɔɔnapi fɔo, bóyãí ále yá kɔniɔ kãakei? 27 A lá vudeɔ gwa sēu lá aa de. Aali zíkɛo, aali bua tão. Mále oé baa Salomɔɔ ní a ɔdekeo,† i ula e dà a maa kà an keewao. 28 Luanaaifɛnɛndeɔ! Sèa lá pɔ kú gbã mé a tékú zia, lá Lua ì pɔ nai màa, wa á pɔ o lɛ? 29 Asu to pɔ pɔ á ble ge pɔ pɔ á mi yá ɔbaaéo. Asu bílikɛo. 30 Pɔpɔ pɔi yá ì ɔbaa dúnia gbéɔne, ãma á Mae dɔ ké á ye pɔpɔi. 31 A to kpala pɔ bò aà kíi yá ɔbaaé, i pɔpɔi kaaé. 32 Ma kpàsa néna gbéɔ, ásu viakɛo, asa à kà á Maegu ké à á kpá kpalapiu. 33 A pɔ pɔ á vïo yía, í wɛnadeɔ gba a ɔa. A mɔkpe pɔ lí zikúo zɔ, luabe àizee pɔ lí láao kákíi ũ. Kpáí a sɔi weo, kòo a pɔ ɔɔkpa weo. 34 Gu pɔ á àizee kúu, wekíi ɔ á laai ìo kuu.

*Ziken náaide laaide*  
(Mat 24.45-51)

35 Aɔ ku sɔu guu, à tó á filia ào naa, 36 ìo de lán gbé pɔ aale ní dii sua ní nɔsepɔnakɛao dãɔwa, ké gɔɔ pɔ à kà mé à gbalè, aa e zewèè gɔɔ. 37 Báaadeɔn zíkɛna pɔ an dii a ní lé bée a sugɔɔpɔi ũ. Siana mále oé, diipi a a pɔo keke ye, i ní zɔle, i pɔblea káaané. 38 Baa tó à kà wɛedo ge gufɛne, tó à ní lé màa, báaadeɔn ní ũ. 39 Aɔ yáe bee dɔ. Tó uabele kpáí mógɔɔ dɔ, a wei aà

† 12:27 1Kia 10.4-7

a kpé gbooo. <sup>40</sup> Apio sɔ̀ àò kú ní sɔ̀uo, asa Gbēnazin Nè a mɔ̀ gɔ̀ɔ̀ pɔ̀ á wé dɔ̀iwao.

<sup>41</sup> Piεε mè: Dii, wá yáí n yápi lèεũia, ge gbépiie?

<sup>42</sup> Dii mè: Dén zia náaide laaide pɔ̀ aà dii a a zikenaɔ̀ naè a ɔ̀zɪ̀ aali ble kpámá a gɔ̀ɔ̀wa ũi?

<sup>43</sup> Báaaden zikena pɔ̀ aà dii aà lè, àlε kε màa a sugɔ̀ɔ̀ ũ. <sup>44</sup> Siana mále oé, a a àizεε píi naè a ɔ̀zɪ̀ε. <sup>45</sup> Tó zikenapi ò a sɔ̀u a dii sua lé gēgē sɔ̀, i fεlε na zɔ̀nɔ̀ε ge

gɔ̀εɔ̀ gbēgbēawa, iɔ̀ ulatāble, iɔ̀ wēdε kε, <sup>46</sup> aà dii a su gɔ̀ɔ̀ pɔ̀ aà wé dɔ̀iowaε, zaa pɔ̀ a dɔ̀owa, i aà zɔ̀εzɔ̀ε, i

aà baa daaa ní luayādansaiɔ̀. <sup>47</sup> Zikena pɔ̀ a dii pɔ̀εā dɔ̀ mé i sɔ̀ukε à aà pɔ̀εā kèò, wa aà gbē dúuduue.

<sup>48</sup> Zikena pɔ̀ a dii pɔ̀εā dɔ̀o, mé à yá pɔ̀ dε wà aà gbē kè sɔ̀, wa aà gbē yɔ̀ɔ̀ε. Gbé pɔ̀ Lua aà gbà zɔ̀o ñ Lua a

wεεlεwà zɔ̀o. Gbé pɔ̀ Lua pɔ̀ nàε a ɔ̀zɪ̀ zɔ̀o, a gbεawà dεñla.

### *Kɔ̀kpaalea Yesu yáí*

*(Mat 5.25-26, 10.34-36, 16.2-3)*

<sup>49</sup> Té ma mɔ̀ sɔ̀i dúniawa, mé mále wā maamaa ké tépi kú sa. <sup>50</sup> Má ga ví mà siu. Má kú làasoo guu e à

ge kεò. <sup>51</sup> Ale e ma mɔ̀ ké gbéɔ̀ aao na ní kɔ̀o dúniau yà? Aawo! Mále oé, kɔ̀kpaalea yáí ma mɔ̀i. <sup>52</sup> Za

tia ua pɔ̀ gbēɔ̀n sɔ̀o kuu aa kɔ̀kpaaleε. Gbēɔ̀n àaɔ̀o bɔ̀ gbēɔ̀n plaɔ̀ kpe, gbēɔ̀n plaɔ̀ bɔ̀ gbēɔ̀n àaɔ̀o kpe. <sup>53</sup> Mae

a bɔ̀ a nεgɔ̀ε kpe, nεgɔ̀ε i bɔ̀ a mae kpe. Da a bɔ̀ a nεnɔ̀ε kpe, nεnɔ̀ε i bɔ̀ a da kpe. Zá da a bɔ̀ nɔ̀zāε kpe, nɔ̀zāε

i bɔ̀ a zāda kpe. †

<sup>54</sup> Yesu èa ò bílaε: Tó á è lou lé sisi gukpe, i o gɔ̀o lou a ma, ñ i kε màa. <sup>55</sup> Tó á è ñana lé bɔ̀ gεɔ̀midɔ̀kɪi

---

† 12:53 Mís 7.6

oi, i o gu a wā, ̄ ì wā. <sup>56</sup> M̄afliɔe! A t̄oɔe ní luabeo wé d̄s, mé á ḡoɔe bee yáasi d̄s s̄o be?

<sup>57</sup> B̄yái á yákekea a zéwa d̄s áziao ni? <sup>58</sup> Tó n ibee lé genno yákpaleu, k̄oike aà n k̄e za zéu, ké asu n gáɔe genno yákpalekena kíio yái. Asa yákpalekenapi a n kpa d̄oaiwae, d̄oaiپی i n dakpeu. <sup>59</sup> Máɔe onɔ, níȳ b̄o weo e ñ ge ñ fiapi bo pii. Baa t̄anga a ḡs tenzio.

## 13

### *N̄selileo*

<sup>1</sup> Ḡoɔ bee gb̄eɔ m̄ò Galile gb̄é p̄ó Pilati ní d̄ede à ní au yáale ní ní sa'ob̄o auoɔ yá síu Yesue. <sup>2</sup> Ǿ Yesu òné: Ké Galile gb̄épiɔ gaa k̄e màa, áɔe e an duuna de Galile gb̄é k̄iniola yà? <sup>3</sup> Aawo! Máɔe oé, tó i n̄selileo, ápii á kaale láríwae. <sup>4</sup> Gb̄eɔn bao plasai p̄ó Siloe kalanga kw̄emá aa ḡagaɔ s̄o, áɔe e an t̄aae de gb̄é k̄ini p̄ó kú Yelusaleũola yà? <sup>5</sup> Aawo! Máɔe oé, tó i n̄selileo, ápii á kaale láríwae.

<sup>6</sup> Ǿ à yáe bee l̄eũné à m̄è: Gb̄e mé kaad̄enli bà a swaluu, ̄ à ḡè a né w̄eɔeɔi, i eo. <sup>7</sup> Ǿ a ò a z̄ikenae: Gwa, a w̄è àaɔn la, ké mi mo né w̄eɔeɔi kaad̄enapiwa, mili eo. Z̄s. Wá tó à gusi p̄a yà? <sup>8</sup> Ǿ z̄ikenapi òè: Mae, to we w̄eɔa lo. Má gubi mà liaie, mí z̄ùgb̄s kau. <sup>9</sup> A gí ne'ii ziia? Tó i i sao, mí z̄s.

### *N̄e kaaũa gb̄ágb̄aa*

<sup>10</sup> Kámaboḡoɔe z̄í Yesu lé yādané lousisikpeu. <sup>11</sup> N̄oɔe ku we, t̄aa aà k̄òk̄ù à k̄aaàno w̄è bao plasai. lo kooae, ìli f̄s p̄òo baa ȳoɔo. <sup>12</sup> Ké Yesu aà è, ̄ à aà

sisi à mè: Nɔɛ, n kòɔke gòma. <sup>13</sup> Ǿ à ɔnàwà. Wegɔɔ à pòo, ɔ à Lua sáaukpà.

<sup>14</sup> Ǿ lousisikpe gbẽzɔɔ pɔ pà, ké Yesu aà gbàgbã kámabogɔɔzi yáí, ɔ à fɛɛ ò bílaɛ: Gɔɔ soolo mé kú ké wí zíkɛu.\* Ali mó wà á gbàgbã gɔɔ beeɔwa, kámabogɔɔzi bàasi. <sup>15</sup> Ǿ Dii a zásiwà à mè: Mɔafilideɔ! Kámabogɔɔzi á baade lí a zu ge zàa'ina polo a dɔkii à gè í kpàwàò lé? <sup>16</sup> Ablahaũ bui nɔɛɛ bee sɔ, Setáu aà yè wè bao plasaiɛ. Aà bapi poloawà kámabogɔɔzi zé vɔo lé? <sup>17</sup> Ké a ò màa, ɔ wí aà ibeɛo kù píi, ɔ bíla pɔ kèna dabudabu pó àle keɔwa píi.

*Yáɛɛũa ní kpala pɔ bɔ Lua kíio*

*(Mat 7.13-14, 21-23, 13.31-33, Maa 4.30-32)*

<sup>18</sup> Ǿ Yesu mè: Kpala pɔ bɔ Lua kíi bɔ bówà ni? Bó má ɛɛũòì? <sup>19</sup> Doe ku a wéna bɔ lán ɛfo wénawa, ɔ gbẽɛ se tɔ a kaau. Ké à bɔle à kè lí ũ, ɔ bãɔ mò pèpè a gɔnaɔwa.

<sup>20</sup> Ǿ a ò lo: Bó má kpala pɔ bɔ Lua kíi ɛɛũòì? <sup>21</sup> A bɔ pẽɛse'ese pɔ nɔɛ se kà pẽɛti zaa le àaɔ guu a lía píiwaɛ.

<sup>22</sup> Gɔɔ pɔ Yesu lé gé Yelusaleũ, àle pã meeɛwiao ní zɔɛwiaoɔla, àle yãdané, <sup>23</sup> ɔ gbẽɛ aà là à mè: Mae, asi àizãna'enaɔ dasioa? Ǿ Yesu ò bílaɛ: <sup>24</sup> A ãiake à gè zéle tuuuna guu. Mále oé, gbé dasideɔ weɛle gɛu, kási aa eo. <sup>25</sup> Tó uabele fɛɛ zetà a làa, tó a gɔ bàasi, mé ále gbale, ále mɛ: Mae, gbawẽwẽɛ, a oé á á dɔ gueio. <sup>26</sup> Bee gbɛa tó á òè à pɔblè à imiánɔ, mé à yãdané á be gãaɛ, <sup>27</sup> a oé á á dɔ gueio. A goala ápii vãikenaɔ.†

\* **13:14** Bɔa 20.9-10 † **13:27** Sou 6.9

28 Tó a Ablahaũ ní Izaakio ní Yakɔbuo ní ānabio è p̄ii kpala p̄ò b̀ò Lua k̄ii guu, mé wà á zú bàasi, we á ɔ̀ɔ̀ɔ̀ à ɔ̀di á musu. 29 Gb̄é̄ b̄o gukp̄e ní be'aeo ní gugb̄āntooo ní ḡeom̄id̄ok̄iio, aa m̄o bleblei kpala p̄ò b̀ò Lua k̄ii guu. 30 Gb̄é̄ kp̄ēēo ḡo d̄oaaa mé gb̄é̄ p̄ò d̀òaāo ḡo kp̄ēē.

*Yesu ɔ̀ɔ̀ɔ̀a Yelusaleũdēo yá musu  
(Mat 23.37-39)*

31 Ḡōo bee ḡò̄o Falisiēo m̄ò Yesu k̄ii aa òè: Fele go lakii, asa Elodi ye n d̄ēe. 32 Ǿ a òn̄é: A ḡe o kíf̄ē̄n̄ep̄ie mále táagoné, mále gȳēo gb̄āgb̄ā gb̄ā ní ziao, a ḡōo àāɔ̀de z̄í má a z̄í mid̄e. 33 N beeo sema mà gé āe gb̄ā ní ziao ní zia bàasio, asa i k̄ū ānabi ga gueio, sema Yelusaleũ. 34 Yelusaleũdēo, Yelusaleũdēo, i ānabio d̄ēd̄e, i gb̄é̄ p̄ò Lua ní z̄íw̄á̄o pápa ní gb̄ēo à ní d̄ēd̄e. M̄io ye mà á k̄āamazi m̄ò̄m̄ō, lá ko ì ḡà̄s̄ia kú a néolawae, k̄ási ili weio. 35 Lua a á kp̄é̄ tó̄ēe sa. Mále oé, á ma e l̄o e à om̄ēe, báaaade gb̄é̄ p̄ò lé m̄ó ní Dii t̄o.†

## 14

*Yesu kua Falisie b̄e*

1 Kámaboḡōe z̄í Yesu ḡè p̄oblei Falisio gb̄ēz̄ōo b̄e, ò gb̄é̄ p̄ò aa ku weo lé aà kpakpa. 2 Kákagyāk̄enāe ku Yesu āe we. 3 Ǿ Yesu yās̄è a ò ikoyād̄ōnāōn̄e ní Falisio: Gb̄é̄gb̄āgb̄āa kámaboḡōz̄í z̄ēv̄ia ge a z̄ēv̄io? 4 Ǿ aa n̄ile kilikili. Ǿ Yesu gȳāepi k̄ū à aà gb̄āgb̄ā à aà gb̄àe. 5 Ǿ a òn̄é: A dé né ge aà zu, tó à z̄ù l̄ò̄o kámaboḡōz̄í, a aà b̄o ḡò̄o ni? 6 Aai f̄ō yáz̄āsiw̄à̄o.

† 13:35 Sou 118.26

<sup>7</sup> Yesu è lá gbé pọ wà ní sísíò lé zǝlékíi maao kǝkǝ, ǝ à yǎlèèǝné à mè: <sup>8</sup> Tó wà n sísí nǝsèpǝnablèwa, nǝsu zǝlè zǝlékíi maauo. Tó wà gbé pọ a gbía dènlà sísí bè! <sup>9</sup> Tó á sísína mǝ ònè: Fèlè zǝlékíi kpá deewa, nǝyǝ fèlè gé zǝlékíi kpèeu ní wíoe. <sup>10</sup> Tó wà n sísí, nǝlì zǝlékíi kpèe kǝ, ké tó n sísína mǝ, a onè: Ma gbèna, mǝ aè la. Bèe a n kè gbía gbé pọ á sǎnuonè.\* <sup>11</sup> Gbé pọ ì azía kǎfi, Lua a aà busaè, mé gbé pọ ì azía busa, Lua a aà kǎfi.

<sup>12</sup> Ǟ Yesu ò a sísínapiè: Tó nǝlè gbéǝ sísí blè fáanè bleawa ge a oosi pọ, nǝsu n n gbènao sísíò ge ní vǝio ní n dǎunao ge n daeo ge n ɔde deeo. Tó ní kè màa, aa èa n sísíwà sǝè, aai fiabonè. <sup>13</sup> Tó nǝlè gbéǝ sísí pǝbleawa, taasideo sísí ní gbèkaaǝo ní èeo ní vǝio, <sup>14</sup> nǝyǝ gǝ báaade ù, asa aa pǝe ví aa gǝfi fiabonèo. Lua mé a fiabonè gbèmaao vugoo.

### *Pǝnablèblea* (Mat 22.1-14)

<sup>15</sup> Ké gbé pọ aa sǎnuo do yǎpi mà, ǝ a ò Yesue: Báaaden gbé pọ a pǝble kpala pọ bò Lua kǝi guu ù. <sup>16</sup> Yesu òè: Gbèè mé ye pǝnablèkè, ǝ à gbéǝ gbèa dasidasi. <sup>17</sup> Blèblezǝ ǝ à a zǝkèna zǝ oi gbé pọ à ní gbèaonè aa mó, wa làa sa. <sup>18</sup> Gbé sèíà òè: Ma bú lùè, sema mà gé gwai. N yǎ na, ma awakpàè. <sup>19</sup> Gbèpǎle mè: Ma zu lù soon soo, má gé wesièi. N yǎ na, ma awakpàè. <sup>20</sup> Gbèpǎle mè: Ma nǝsè dafuè. Ayǎmèto má e mǝo. <sup>21</sup> Ǟ zǝkènapì èa tà à ní legbè dàu a sǝu a diiè. Ǟ uabèlèpi pǝ pà a ò a zǝkènaè: Gé wèlè guu kpakpa gǝaèo ní zèao, ní taasideo ní gbèkaaǝo

\* **14:10** Yaa 25.6-7

ń v̄iá ń εεο naaa suńno la. <sup>22</sup> Bee gb̄ea z̄ikenapi mo òè: Dii, ma yá p̄o ń ò kè, mé z̄olek̄i gi ku. <sup>23</sup> Ǿ diipi ò z̄ikenapiε: Ḡé z̄é ǵuu ń z̄ewewena ǵii, ḡana gb̄éowa aa ḡé, ma ua e pa. <sup>24</sup> Mále oé, gb̄é p̄o ma ń gb̄eapi ǵee a e lez̄o ma bl̄epiwao.

*Ḡsa Yesu iwa ũ*  
(Mat 10.37-38)

<sup>25</sup> Wa be z̄éu ń Yesuo dasidasi, ǵ à lili òné: <sup>26</sup> Tó gb̄é mò ma k̄i mé a ye a de ń a dao ń a nao ń a néo ń a v̄iio ń a d̄auna ǵ, baa az̄lapizi demala, a f̄o ke ma iwa ũo. <sup>27</sup> Gb̄é p̄o a ǵ lip̄ak̄ōa sea à ǵeomazio, a f̄o ke ma iwa ũo.† <sup>28</sup> Tó á gb̄ee ye kalanga do, a z̄ole ḡia à a ǵa do do à gwa, tó a f̄o z̄ipi ke láa ya? <sup>29</sup> Tó i ke màao, tó à ǵ kp̄ale mé i f̄o à a m̄ideo, gb̄é p̄o a à è p̄ii a aà láanike <sup>30</sup> a me: Gb̄ee bee kp̄é dàale, i f̄o a m̄ideo. <sup>31</sup> Ge tó k̄ia ye gé z̄ikai ń k̄ia p̄aleo, a z̄ole ḡia à a w̄aipa à gwa, tó a sosa ḡali kwio f̄o kuàkpa sosa ḡali bao p̄o lé mówaowao lé? <sup>32</sup> Tó a è á f̄o, a z̄inao z̄i ledoūkea ȳagbeaiwà zad̄o i ka k̄aioε. <sup>33</sup> M̄aaε lo, tó á gb̄ee i ǵz̄o p̄o p̄o á v̄i ǵzi p̄ii, a f̄o ḡo ma iwa ũo.

<sup>34</sup> Wisiá p̄o naε, āma tó a í na tà, kpelewa wa ke à nak̄u bi? <sup>35</sup> A maa t̄o leeo ge z̄ùgb̄ok̄olek̄iio, w̄i k̄óleε. Gb̄é p̄o n̄se v̄i aà yápi ma.

## 15

*P̄o p̄o v̄iāa ǵ*  
(Mat 18.12-14)

<sup>1</sup> Ǿsinao ń duunkena ǵé s̄o Yesuzi aà yāmai m̄pii.  
<sup>2</sup> Ǿ Falisio ń Moizi ikoyādanedeo ǵé yákūtēka aa m̄:

† 14:27 Luk 9.23



Gbée bee ì duunkenaᵛ si aa poble sãnuε.\* 3 Ǿ Yesu yáε bee lèũné à mè: 4 Tó á gbēε sã vī mèn basᵛo mé ado vūaa, ìli a basᵛo m̀ndosai tó s̄u à p̀le a ṕ ṕ vūaapizi e à ge bᵛwàò lé? 5 Tó à b̀wà, ì se da a ḡau ní pᵛnaoε, 6 ì taò bε, ì a gbēnaᵛ ní a fáanideᵛ s̄isi, ì oné: A pᵛnakemanᵛ. Ma a sã ṕ s̄àsãpi è. 7 M̀aε lᵛ mále oé, wa pᵛnake luabe duunkena m̀ndo ṕ a ǹsel̄ile yá musu de gbēmaa gbēᵛn basᵛo m̀ndosai ṕ an b̀a kú ní ǹsel̄ileaoᵛla.

8 Nᵛε ṕ ánuᵛu ᵛwat̄ε vī mèn kwi s̄bε, tó a m̀ndo vūaa, a filia na, i kpεwaa, i wεεε busεbusε e à ge bᵛwàò lé? 9 Tó à b̀wà, a a gbēnaᵛ ní a fáanideᵛ s̄isiε, i oné: A pᵛnakemanᵛ. Ma a ánuᵛu ᵛwat̄ε ṕ vūaapi è. 10 Mále oé, Lua malaikaᵛ ì pᵛnake duunkena m̀ndo ṕ ǹsel̄ile yá musu màa bε.

### *Né ṕ s̄asa*

11 Yesu ò lᵛ: Gbēε mé kú a nεgᵛᵛo vī gbēᵛn pla. 12 Ǿ Se ò a maeε: Baa, ma asea ṕ máᵛ vī túbi guu kpaá. Ǿ maepi a àizeε kpaal̄éné. 13 I ke gᵛᵛplao, ̄ Se a ṕᵛ ǹaa p̄i à tà bùsu p̄leu z̄ãz̄ã. We à a àizeε kp̄leu lalasikεa guu. 14 Ké à a ṕᵛ dè p̄i, ̄ nᵛan z̄ᵛ kà bùsupiu, ̄ à ḡò ní ṕ wēnakeao. 15 A gè nà bùsupi gbēezi, ̄ gbépi aà gb̀ε a bualoũ ble kp̄ái s̄àwakusanaᵛwa. 16 Ǿ ì ye libε ṕ s̄awaᵛ lé ble ḿmᵛ b̄εε, āma w̄li pᵛε kpawào. 17 Ké aà wé k̄é, à mè: Ma mae z̄ikenᵛ ble vī diε, ̄ mále ga ní nᵛanao la. 18 Má fεle mà ta ma mae k̄iε, mí oè: Baa, ma duunakè Luaε ní mpio, 19 mi ka màᵛ de n né ũ lᵛ. Ma dile n z̄ikenᵛ do ũ. 20 Ǿ à fεle lé tá a mae k̄i.

\* 15:2 Luk 5.29-30

Ké a be kãaa, aà maepi aà è, ò à kèè wēnaū. A bàalè gè kùsiwà à lepèwà. <sup>21</sup> Ǿ népi òè: Baa, ma duunakè Luaε ní mpio, mi ka màò de n né ũ bo. <sup>22</sup> Ǿ maepi ò a zíkεnaɔnε: A gé kpakpa, à ulada maa pò deńla se mɔò à daè, í tãanadaè, í kyalekpaè. <sup>23</sup> I gáae mekpaa kũ à de wà so pɔnakεa guu, <sup>24</sup> asa ma népi gà à vùε. A sàsãε, ò ma aà è. Ǿ aa nà pɔnakεawa.

<sup>25</sup> Woo kpé bua. Ké àε su, à káikù ní beo, ò à kòò gãa mà do. <sup>26</sup> Ǿ à zíkεnaɔ do sisi à aà là bóme kèi. <sup>27</sup> Ǿ a wèwà à mè: N dãuna mé sù, ò n mae gáae mekpaa dè, ké à aà è aafia yáí. <sup>28</sup> Ǿ Woo pɔ pà à gĩ gèi ua. Ké aà mae bò awakpaiè, <sup>29</sup> ò Woopi ò a maec: E'e, à kà wē ũma máε zíkεnε, mi fokεma zii, mé baa blesan giana ni kpaa mà pɔnakεò ní ma gbēnaɔo. <sup>30</sup> Ké n né pò à n àizεε kàale káaluαnεpi sù, n gáae mekpaa dèè. <sup>31</sup> Ǿ aà mae òè: Ma né, ní kumaɔ gɔɔpiie. Pó pò má ví pii, n pòε. <sup>32</sup> A kù wà bleble ní pɔnaoε, asa n dãunapi gà à vùε. A sàsãε, ò wà aà è.

## 16

### *Aizεε náaisai*

<sup>1</sup> Yesu ò a íwaɔnε: Ǿdee mé kú à zii a díle a zíkεnaɔnε. Ǿ wà mò wà aà kɔmalekèè wà mè àle aà àizεε kpále. <sup>2</sup> Ǿ à aà sisi a òè: Yá pò má mà n musu de kpelewa ni? Lá níle ke n ziiake guu siumεε. Nyɔ e ñ zii a zĩ kemεε bo. <sup>3</sup> Ǿ ziiapi ò a sɔ guu: Ma dii lé ma bɔ ziuε, má ke kpelewa ni? A ke má fɔ sēwao, mé baakea demεε wí ũ. <sup>4</sup> Má dɔ lá má ke gbéɔ ma díle ní be, tó à ma bɔ ziu. <sup>5</sup> Ǿ à a dii fiadeɔ sisi dodo, ò à gbé sēia là à mè: N ma dii fia kũa ũma ni? <sup>6</sup> A mè: Nísi zaa le basoε. Ǿ ziiapi òè: Lá pò ní kèè ke. Zɔle lile

blakwi kpakpa. <sup>7</sup> Ǿ a ò gbēpāleε: Mpi sō n fia ūma ni? Ǿ à mè: Ese sakili basooε. Ǿ ziiapi òè: Lá pò ní kèε ke, lile basiiō. <sup>8</sup> Ǿ diipi ziia náaisaidepi sáaukpà wεzē yá pò a kè musu. Asa dúniaε bee gbéō wé zēa de gupua gbéōla kōtēε yākekeε guu.

<sup>9</sup> Mapi sō mále oé, à gbēnao wεεle ní àizeε náaisaiο, ké goo pò à mīdewá, Lua a á dile be pò a gao guu. <sup>10</sup> Gbé pò náai ví ní a yooṅnao aο náai ví ní a zōoo lε. Gbé pò náai ví ní a yooṅnaoo aο náai ví ní a zōoo. <sup>11</sup> Tó i ke náai ví ní àizeε náaisaiοο, Lua a á náaike ní a sīandee? <sup>12</sup> Tó i ke náai ví ní gbēpāle pōoo, Lua a ázia pò kpáwáe? <sup>13</sup> Zikεna lí e zoble dii mèn plaεο, asa aο za gbēdogue, io ye adozi, ge a na gbēdowa, i saka adou. A fō ào zoble Luaε ní ōao sānuo.

### *Ǿde ní Lazaaο*

<sup>14</sup> Falisio ye ōai. Ké aa yápi mà píi, ō aale lesuikε Yesuwa. <sup>15</sup> Yesu òné: I yānakpa áziawa gbēnazinao kīiε, āma Lua á sō dō. Yá pò gbia gbēnazinaoṅε ō Lua i sakau.

<sup>16</sup> Mōizi ikoyā ní ānabio lāo ku e Zāawa. Za goo bee wāle kpala pò bō Lua kīi baokpa, ō baade lé gēu ní gbāao. <sup>17</sup> Luabe ní tōoleo sāalea àa de Lua ikoyāpi wēsā néna bādeala. <sup>18</sup> Gbé pò gī a nazi à nō pāle sè, à gbāsiikεε. Gbé pò nō pò wà gīi sè sō, à gbāsiikèn we.

<sup>19</sup> Gōε odee ku i pōkasa maa odee da, io pōnake nama guu gōopii. <sup>20</sup> Wēnade pò wī mε Lazaa io wūlea aà be gōu, bō fifiwà. <sup>21</sup> Io ble pò i léle odepī táabūnu zīε blea nide. Gbēo mé io aà bōpio sāsā. <sup>22</sup> Wēnadepi gà, ō malaikaο aà sè tàò Ablahaū kīi. Ǿdepī gà sō, ō wà aà ví. <sup>23</sup> Kua iadama guu bεdau, ké à wēsè musu, ō à Ablahaū è kāaa, Lazaa ku aà

sae. <sup>24</sup> Ǿ à lezù à mè: Ba Ablahaũ, ma wēnagwa, ní Lazaa zǐ aà a ɔtona zǐ íwa, aà mɔ ma léna níniomεε, asa mále wāwāke tévuaε bee guue. <sup>25</sup> Ǿ Ablahaũ mè: Ma gbé, to nama pɔ pèema n wēnigɔɔ dɔngu ní taasi zǐ pɔ Lazaa kèo. Aà nɔse nini lakii sa, mé ní kú wāwā guu. <sup>26</sup> Bee gbεa tǔ'ε zòolo da wá zāngu. Tó gbé ye bɔ la à gé á kii, a fɔo, mé gbēe a fɔ bɔ we à mɔ wá kii. <sup>27</sup> Ǿ ɔdepi mè: N yá na Baa, lá màaε, n aà zǐ ma mae be, <sup>28</sup> asa ma dáunaɔ ví gbēɔn sɔo. Aà gé ledaimá, ké aasu mɔ gu wāwādeε beeuo. <sup>29</sup> Ǿ Ablahaũ mè: Aa Mɔizi ní ānabiɔ lá ví, aa ní yāma. <sup>30</sup> Ǿ ɔdepi mè: Aawo, Ba Ablahaũ! Tó gbēe bò gau à gè ní kii, ɔ aa nòselile. <sup>31</sup> Ǿ Ablahaũ òè: Tó aai Mɔizi ní ānabiɔ yāmao, baa tó gbēe bò gau, aa sio.

## 17

### *Luanaaikεa* (Mat 18.6-7, 21-22)

<sup>1</sup> Yesu ò a ìwaɔne: Sema yá pɔ ì to gbéɔ fu àɔ ku, āma waiyoo gbé pɔ a bɔ aà kii. <sup>2</sup> Tó wá wísilɔgbε gbène dè a nɔε mé wá aà zù ísiu, bee maa ní adeo de ké aà to néε beeɔ do fula. <sup>3</sup> Aɔ kú ní laaio. Tó n gbēdo duunakè, ge n aà le. Tó à nòselile, sùuukeaàɔ. <sup>4</sup> Tó à duunakène gɔɔ do gēn sopla mé à èa òne gēn sopla a nòselile, sùuukeaàɔ. <sup>5</sup> Dii zinaɔ òè: Wá luanaaikεa káfíwēε. <sup>6</sup> Dii mè: Tó á luanaaikεa kà efɔ wénawa, á o lasinliε bee azia bile gé péi ísia guu, a á yāmaε.

<sup>7</sup> Tó á gbēe zɔ ví, àle sēwaè ge àle sãɔ dàè, tó à sù ní buao, aà dii a oè aà mɔ pɔble gɔɔ yà? <sup>8</sup> Aawo, a oè aà blεkeε, aà ula lile, i mɔε ní pɔbleao ní imiao, aàpi

i gbasa poble, i imi. <sup>9</sup> Wì zɔ sáaukpa ké à yá pò wa dàè kè yáí yà? <sup>10</sup> Apio sɔ màaε, tó a yá pò Lua dàé kè píi, à mè: Zɔɔn wá ũ, wá kea wá kè.

### *Kusude gbẽɔn kwio gbàgbã*

<sup>11</sup> Yesu gea Yelusaleŭ a be Samali bùsu zɔleu ní Galileo. <sup>12</sup> Ké àle gẽ wéleu, ò gõe kusude gbẽɔn kwio kpàaũaàɔ. Aa ze kãaa, <sup>13</sup> aa lezuaàzi aa mè: Mae Yesu, wá wẽnagwa. <sup>14</sup> Ké a è màa, ò a òné: A ge ázia ɔɔ sa'onawne.\* Ké aale gé, ò aa gbàgbã. <sup>15</sup> Ké an gbẽdo è a gbàgbã, ò à èa sù, àle Lua sáaukpa ní ɔɔ gbãao. <sup>16</sup> A wùle a gbɛeu Yesu aε, à fɔkpàwà. Gbẽ beeá Samali gbẽε. <sup>17</sup> Ǿ Yesu mè: Gbẽɔn kwio mé gbàgbão lò? Gbẽɔn kɛokwio kú má ni? <sup>18</sup> An gbẽe i εa mò Lua sáaukpaio, sema zilloε beea? <sup>19</sup> Ǿ Yesu òè: Fele tá, ma náai pò ní ke mé n gbàgbã.

### *Gbẽnazin Né mɔa* (Mat 24.23-41)

<sup>20</sup> Falisio Yesu là kpala pò a ɔɔ Lua kíi mógɔɔi, ò a wè má à mè: Kpala pò ɔɔ Lua kíi lí mó wà e ní wéo no. <sup>21</sup> Wa o gwa ke ge gwa keeo. Kpalapi kú á guue. <sup>22</sup> Ǿ a ò a iwaɔne: A gɔɔ lé mó ké á Gbẽnazin Né mógɔɔ ea nide, á eo. <sup>23</sup> Wa oé a ku le ge a ku la, áma ásu geo, ásu ténzio. <sup>24</sup> Lá loupilea ì gupu luabε léla ní a léleo, màa aɔ de Gbẽnazin Né mógɔɔ. <sup>25</sup> Sema aà taasike gia maamaa. Gbàgbẽɔ giaàzi. <sup>26</sup> Lá à kè Nɔee gɔɔ, † màa a ke Gbẽnazin Né mógɔɔzì ɔɔ. <sup>27</sup> Wàle poble, wàle imi, wàle nɔse, wàle zàke e gɔɔ pò Nɔee gè g'ílèna guu, ò í dà dúniaa, gbẽɔ gàga píi. ‡ <sup>28</sup> Màaε ɔɔ ɔɔtu gɔɔ, wàle poble, wàle imi, wàle

\* 17:14 Lev 14.1-3 † 17:26 Daa 6.5 ‡ 17:27 Daa 7.6-24

pó lú, wàɛ pó yia, wàɛ pótõ, wàɛ kpɛdɔ. <sup>29</sup> Gɔɔ pó Lɔtu b̀ Sɔdɔũ, té ní íatɛgbɔ̀ b̀ luabɛ à kwè, ɔ gbɛ́ɔ gàga píi. § <sup>30</sup> Beewa aɔ dɛ gɔɔ pó Gbɛ̀nazĩn Né b̀ gupuáũ.

<sup>31</sup> Gɔɔ bee gbɛ́ pó kú kpé musu su pila kpé guu a p̀ɔ sɛ́ɛio. M̀aaɛ lɔ gbɛ́ pó kpé bua su ɛa bɛo. <sup>32</sup> A to Lɔtu na yá d̀águ.\* <sup>33</sup> Gbɛ́ pó ye à a wɛ̀ni kũa, wɛ̀nipi a v̀uaawà. Gbɛ́ pó gĩ a wɛ̀nii s̄, ade mé aɔ ku. † <sup>34</sup> Máɛ oé, gwá bee gbɛ̀ɔn plaɔ aɔ wúɛa gudoũ, Lua a gbɛ̀do sɛ́, i gbɛ̀do to we. <sup>35</sup> Nɔɛ gbɛ̀ɔn plaɔ aɔ pó ló gudoũ, Lua a gbɛ̀do sɛ́, i gbɛ̀do to we. <sup>36</sup> Ḡɛ gbɛ̀ɔn plaɔ aɔ ku bua, Lua a gbɛ̀do sɛ́, ‡ i gbɛ̀do to we. <sup>37</sup> Ǿ aa à là aa m̀è: Dii, mákĩ ni? A wɛ̀má à m̀è: Gu pó gɛ kuu, we yãamusuɔ kãau.

## 18

### *Wabikɛa*

<sup>1</sup> Yesu yáɛɛũné ké aɔ Lua wabikɛ k̄s̄ɔk̄s̄ɔ, aasu kpasao yáí. <sup>2</sup> A m̀è: Yákpalekenae mé kú wéɛɛu, a Lua v̄ia v̄io, mé ìli gbɛ́e yádao. <sup>3</sup> Gyaaɛ ku wéɛpi guu, ìb m̀ aà k̄í m̀ɔm̀ɔ ì m̀: Zɛmanɔ ma ibɛɛ yá musu. <sup>4</sup> I weio e gɔɔpla. Bee kpɛ a ò azɪawa: Baa tó má Lua v̄ia v̄io, mé mili gbɛ́e yádao, <sup>5</sup> lá gyaapi lé ma súu z̄, má zɛaãnɔɛ. Tó mi kɛ m̀aao, aà zɛamala láasaie a ma dɛɛ.

<sup>6</sup> Ǿ Dii m̀è: A yákpaleken v̄ai yá'oa ma. <sup>7</sup> Lua a zɛ ní a gbɛ́ pó aalɛ wiɛwa fáane ní gwãasinaoɔ lé? A zígbiakɛ ní d̀aãlɛo yá? <sup>8</sup> Máɛ oé, a zɛĩnɔ kpakpae. N beeo tó Gbɛ̀nazĩn Né m̀, a a náaikɛna e dũniaua?

§ **17:29** Daa 19.24-25 \* **17:32** Daa 19.26 † **17:33** Luk 9.24  
‡ **17:36** Mat 24.31, 1Tes 4.17

9 Ɔ à èa yáε bee lèεũ gbé pɔ aale nízia dile gbēmaa ũ mé aaĩɔ saka gbé kɔniɔguɔne à mè: 10 Gbēɔn plaεɔ mé gè wabikεi Lua ua, gbēdoá Falisiε, gbēdo sɔ ɔsinac. 11 Falisipi zεa, àε wabikε. A ò a sɔ guu à mè: Lua, ma n sáaukè ké má de lán dāɔwao, ddiindeɔ, náaisaideɔ, gbāsikεnaɔ ge ɔsinac bee. 12 Mio lεye gɔɔ plapla āsɔa ní āsɔaoε. Pɔ pɔ má è píi mi a kwide bɔne. 13 Ɔsinapi sɔ a ze kāaa, i fɔ wesè musu gwà seo. Alε azia gbēgbē à mè: Lua, sùuukεmanɔ, duunkεnan ma ũ. 14 Málε oé, gɔεpi tà a be Lua siaaàɔ guu, i ke Falisipi no. Asa gbé pɔ ì azia káfi Lua a aà busac, mé gbé pɔ ì azia busa Lua a aà káfi.\*

### *Báadaa néɔgu*

*(Mat 19.13-15, Maa 10.13-16)*

15 Wà mòè ní ní néfēnεnaɔ aà ɔnamá. Ké aà iwao è, ɔ aa gɔné. 16 Ɔ Yesu néɔ sisi à mè: A to néɔ mɔ ma kíi, ásu kpánéo, asa kpala pɔ bɔ Lua kíi de gbé bee taɔ pɔ ũε. 17 Siana málε oé, gbé pɔ i kpala pɔ bɔ Lua kíi yá sí lán néwao, a gēuo.

### *Ɔde*

*(Mat 19.16-30, Maa 10.17-31)*

18 Yudaɔ kíabuie mò Yesu là à mè: Mεtulu maa, kpelewa má ke mà àizāna ei? 19 Yesu òè: Akεa n mè má maai? Gbēε maaɔ, sé Lua ado. 20 N yá pɔ Lua díleɔ dɔ: Nsuli wúle ní gbēpāle nɔɔ. Nsuli gbēdeɔ. Nsuli kpáí'oo. Nsuli yāɔ n gbédeewao. Nili n de ní n dao kpela.† 21 Ɔ a òè: Zaa ma ke èwaaso ũ, má yá beeɔ kūa píiε. 22 Ké Yesu bee mà, a òè: Yá gɔne

\* 18:14 Luk 14.11 † 18:20 Bɔa 20.12-16

mèndo. Pó pó ní ví yía píi, ní a òa biile taasideone, níyò àizεε ví luabe. Bee gbea ní m̀o temazi. <sup>23</sup> Ké à yápi mà, aà p̀o siakù, asa òde sà gbāngbooe. <sup>24</sup> Ké Yesu è aà p̀o siakù, à mè: Gēa kpala p̀o b̀o Lua kíi guu zì'ù gbé p̀o aa àizεε víone. <sup>25</sup> Yiongo gēa abaaweu àa de òde gēa kpala p̀o b̀o Lua kíi guula. <sup>26</sup> Gbé p̀o aa yápi màò mè: Déme a àizāna e loi? <sup>27</sup> Yesu wemá à mè: Yá p̀o gbēnazinao f̀ua ke, Lua í f̀s.

<sup>28</sup> Ǿ Piεε mè: Wa wá p̀opii tò wee, ̀o wá ténzi fá. <sup>29</sup> Ǿ Yesu òné: Siāna mále oé, gbé p̀o a be tò ge a na ge a v̀io ní a dāunao ge a de ní a dao ge a néo kpala p̀o b̀o Lua kíi yáí <sup>30</sup> a ea bee taa e de beea maamaa dúniae bee guu, mé a àizāna e dúnia p̀o lé mó guu.

*V̀ia baakena gbágbāa  
(Mat 20.29-34, Maa 10.46-52)*

<sup>31</sup> Yesu a gbēon kuεplaο kāaaazi, ̀o a òné: Wáλε gé Yelusaleũe. Wekíi Gbēnazin Né yá p̀o ānabio kè Lua yáu a pau píi sa. <sup>32</sup> Wa aà kpa buipāleowa, aai aà ke p̀o p̀o, aai aà s̀s̀s̀, aai lé'ikakawà, <sup>33</sup> aai aà gbē ní flaalao, aai aà de, a g̀o àaōde z̀í i εa vu. <sup>34</sup> Ama aà iwapio a kee gbáeo, asa yápi mi ulεanéε, aa d̀o yá p̀o àle oo.

<sup>35</sup> Ké Yesu kà kái ní Yelikoo, v̀iae z̀leá zé lé, àle baake. <sup>36</sup> Ké a mà bíla lé gē, ̀o a ní lá b́ome kèi. <sup>37</sup> Ǿ wa òè, Yesu Nazaleti mé lé gē we. <sup>38</sup> Ǿ à lezù à mè: Yesu, Davidi Bui, ma wēnagwa. <sup>39</sup> Gbé p̀o d̀oaaao g̀ìe aa mè aà níle, ̀o aà wiileá gbāakù, àle me: Davidi Bui, ma wēnagwa. <sup>40</sup> Yesu zè à mè wà m̀o aànò. Ké à m̀ò, ̀o Yesu aà là à mè: <sup>41</sup> Bó ní ye mà kenei? A wèwà à mè: Dii, má ye màò gu'εe. <sup>42</sup> Ǿ Yesu òè: Gu e. Ma



náai pò ní kè mé tò n gbāgbā. <sup>43</sup> Wegōō à gu'è, ẽ à bò tɛaàzi, àlɛ Lua sáaukpa. Ké gbépii è màa, aa Lua sáaukpa.

## 19

### Zase

<sup>1</sup> Ǿ Yesu gè Yeliko, àlɛ pāa. <sup>2</sup> Gbēe ku we aà tón Zase. Ǿsinao gbēzōɔe, mé ɔdeɛ. <sup>3</sup> Alɛ wɛɛɛ à gbé pò de Yesu ũ e, āma i fō aà èo dasi yáí, asa gbé gesenaɛ. <sup>4</sup> Ǿ à bàalè dāaa à gè dède símfowaa ké à Yesu e, asa a gē wɛɛ. <sup>5</sup> Ké Yesu kà wekii, ẽ à wɛsè musu a òè: Zase, pila kpakpa. A kù mà i n bɛ gbāɛ. <sup>6</sup> Ǿ Zase pila kpakpa, à aà dīlɛ ní pɔnao. <sup>7</sup> Ké wa è màa, gbépii lé yákūtēka aa mè: A gè pilai duunkena bɛ. <sup>8</sup> Ǿ Zase fɛɛ zè a ò Diiɛ: Dii, má a àizɛɛ guo kpa taasidewaaɛ. Tó ma gbēe taiinkè sō, má ɛa mà a gēɛ kpawà lɛɛ síiō. <sup>9</sup> Ǿ Yesu òè: Lua uaɛbeedeɔ mīsi gbā. Asa gbéɛ beeá Ablahaũ buiɛ lɔ. <sup>10</sup> Gbēnazin Né mò gbé pò sàsā wɛɛɛi à aà suabaɛ.

### *Ḑakɛa zikɛnaɔnɛ* (Mat 25.14-30)

<sup>11</sup> Gōō pò wàlɛ aà yápi ma, ẽ à èa yākāfiné lɔ. Lá à káikù ní Yelusaleũo, wàlɛ e kpala pò bò Lua kii a bɔ gupuaau gōɔe, ẽ à yālèɛũné <sup>12</sup> à mè: Kíe buie mé lé gé kpalablei bùsu zāzāu, i ɛa su. <sup>13</sup> Ǿ à a zikɛnaɔ sìsi gbēɔn kwi, à ánuusu ɔwatē kpà ní baadewa mèn basɔbasɔo, a òné: Aɔ laatað e mào su. <sup>14</sup> Aà bùsudeɔ sō aa zāaāguɛ, ẽ aa zinaɔ zī aà kpɛ aa mè: Wá we gbépi kiblewáo. <sup>15</sup> Aà sua ní kpalableao gbɛa lé, à mè wà zikɛna pò a ɔa kpámápiɔ sísiɛ, ké

à e dɔ lá pɔ aa ài'è. <sup>16</sup> Gbé sɛ́ia mò à m̀è: Dii, n ɔapi àikèmɛɛ lɛɛ kwi. <sup>17</sup> Ǿ a òè: Násaa, zíkɛn maa. Lá n kɛ náai ví ní a yɔɔnao, níyɔɔ iko ví wéle m̀èn kwíɔwae. <sup>18</sup> Gbɛɔn plaade mò à m̀è: Dii, n ɔapi nɛ'í lɛɛ sɔo. <sup>19</sup> Ǿ a òè: Mpi sɔ níyɔɔ iko ví wéle m̀èn sɔoɔwa. <sup>20</sup> Ǿ gbɛpále mò à m̀è: Dii, n ɔan kɛ. Má ùle kooa zwànkasauɛ. <sup>21</sup> Má n vía ví, asa gbé zí'ùn n ũ. Ni pɔ pɔ ni dilɛo sé, ni pɔ pɔ ni tɔo kɛkɛ. <sup>22</sup> Ǿ a òè: Zíkɛn vâi, n lé mé n kalikè. N dɔ kɛ gbé zí'ùn ma ũ, mi pɔ pɔ mi dilɛo sé, mi pɔ pɔ mi tɔo kɛkɛ. <sup>23</sup> Ké ní dɔ màa, b́oyâi ni dakeoné, tó ma su, mà a pɔ sí ní a íoo ni? <sup>24</sup> Ǿ a ò gbé pɔ kú weɔnɛ: A ánuɔu ɔwatɛ basɔopi siwà, í kpá gbé pɔ ài'è lɛɛ kwiwa. <sup>25</sup> Ǿ wa òè: Dii, a ài lɛɛ kwi kúa kò. <sup>26</sup> Ǿ a wɛmá à m̀è: Málɛ oé, Lua a pɔ káfi gbé pɔ pɔ víɛ. Gbé pɔ vío sɔ, baa pɔ pɔ a ví, Lua a siwàɛ.\* <sup>27</sup> Ma ibɛɛ pɔ aa ye mà kiblemáoo sɔ, à ḿórnɔ la, í ní dɛdɛ ma aɛ.

### *Gbaakpaa Yesuzi Yelusaleu*

*(Mat 21.1-17, Maa 11.1-19, Zaa 12.12-19)*

<sup>28</sup> Ké Yesu yá bee ò a làa, ɔ à dàzɛu, àlɛ gé Yelusaleu. <sup>29</sup> Ké à káikù ní Bɛfazeo ní Bɛtanio, sísí pɔ wí mɛ Kùkpe sísípolɛu, ɔ à a íwa gbɛɔn plao zí <sup>30</sup> à m̀è: A gé wéle pɔ kálɛ wá aɛ kee guu. Tó a ka we, á zàa'ín né bɔb e dɔa, gbɛɛ i dikpe yáao. A polo m̀ò. <sup>31</sup> Tó gbɛɛ á lá, déme ò à poloi, í mɛ Dii mé ye a m̀aoi. <sup>32</sup> Ǿ zinao gè aa è lá a ònéwa. <sup>33</sup> Ké aale zàa'ínapi polo, ɔ a diio ní lá aa m̀è: Déme ò à zàa'ínapi poloi? <sup>34</sup> Aa m̀è: Dii mé ye a m̀aoi. <sup>35</sup> Ǿ

---

\* **19:26** Luk 8.18

aa gèòè. Aa ní pɔkasao kpàlɛ zàa'ɪnapiwa, ɔ aa Yesu dɪkpe. <sup>36</sup> Ké àlɛ táa'o, gbéɔ lé ní pɔkasao kpálɛ zé guu.

<sup>37</sup> Ké à káikù ní gu pɔ zépi pilau Kùkpe sɪsɪwao, ɔ pɔna guu dasi pɔ tɛaàziɔ nà Lua táasilɛawa ní lɔɔ gbáao, dabudabu pɔ aa èɔ yá musu pii <sup>38</sup> aa mè:

Báaaden Kía pɔ lé mɔ ní Dii tɔo ũ.†

Aafia ku luabɛ! Wà Musude tɔbɔ!

<sup>39</sup> Falisi pɔ aa ku zā guueɔ òè: Metulu, gi n ɪwaɔnɛ.

<sup>40</sup> ɔ a wèmá à mè: Málɛ oé, tó aa nɪlɛ, gbɛɔ mé aa wiipi lé.

<sup>41</sup> Ké à sò Yelusaleŭzi, a gwà, ɔ à ɔɔlè <sup>42</sup> à mè: Tó n yá pɔ a mɔnɛ ní aafiao dɔ gbā yāa lé, kai! Tia kéwa sɔ a ulɛanɛɛ. <sup>43</sup> A gɔɔ a mɔ ké n ibɛɔ gbà lɛsɔ da lianzi, aai n káka, <sup>44</sup> aai n dúuzɔ, aai n gbéɔ wíwi. Baa gbɛɛ aa to dinɛkɔao, ké ni gɔɔ pɔ Lua lɛzùnzi dɔo yáí.

<sup>45</sup> Ké Yesu gè Lua ua, ɔ à nà pɔyianaɔ yaawa. <sup>46</sup> A òné: A kēa Lua taalau à mè: Ma kpé aɔ dɛ lousisikpe ũɛ.‡ Apɪɔ sɔ á kè gbɛblɛnaɔ tòo ũ.§

<sup>47</sup> Lá gu lé dɔ Yesu ɪɔ yádané Lua ua. ɔ sa'onkiaɔ ní Mɔizi ikoyádanɛdɛɔ lé aà wɛ sānu ní gbɛzɔɔ, <sup>48</sup> āma aai lá wa kɛ zé eo, asa gbépii lé lua aà yáíɛ.

## 20

### *Yesu laa a ikoi (Mat 21.23-27, Maa 11.27-33)*

<sup>1</sup> Ziewa Yesu lé yáda gbéɔnɛ Lua ua, àlɛ baon-akpané, ɔ sa'onkiaɔ ní Mɔizi ikoyádanɛdɛɔ ní gbɛzɔɔ sààzi <sup>2</sup> aa òè: Iko pɔ nílɛ yápiɔ kɛɔ owɛɛ. Déme n gba ikopii? <sup>3</sup> ɔ a wèmá à mè: Mapi sɔ má yá mɛndo

† 19:38 Sou 118.26 ‡ 19:46 Isa 56.7 § 19:46 Zel 7.11

gbεawá. A omεε, <sup>4</sup> Zãa gbέ da'ilekea bò Lua kíi yà ge gbēnazina kíie? <sup>5</sup> Ǿ aa lekpaai aa mè: Tó wa mè Lua kíie, a wá la bóyāi wi aà yá sio ni? <sup>6</sup> Tó wa mè gbēnazina kíie sō, gbépii a wá pápa ní gbεo wà wá dεε, asa aa zè ní Zãa ānabikeoε. <sup>7</sup> Ǿ aa mè: Wá dō má à b̀uo. <sup>8</sup> Ǿ Yesu òné: Má iko pó mále yápio keò oé sō.

### *Vēebu zikenaɔ*

*(Mat 21.33-46, Maa 12.1-12)*

<sup>9</sup> Ǿ Yesu èa yalèēñé ɔ à mè: Gbēe mé vēebu ví,\* ò a nà zikenaɔne ní ɔzi, à gè wéleu à gɔoplakè we. <sup>10</sup> Ké vēekɔzɔzɔgɔɔ kà, à a iwae zì zikenapiɔwa aa a asea kpawa, ò aa iwapi gbè aa aà gbàe ɔgii. <sup>11</sup> A èa iwa pále zì ɔ, ò zikenapiɔ aà gbè, aa widàwà aa aà gbàe ɔgii. <sup>12</sup> Ǿ à èa gbēɔn àaɔde zì ɔ, ò aa aà kè'ia aa aà yà. <sup>13</sup> Ǿ vēebudepi mè: Má kea sa ni? Má a né m̀ndona zimáε. Aa gí aà yádaia? <sup>14</sup> Ké zikenapiɔ aà è, aa òkōε aa mè: Túbiblenan kee, wà aà dε, bú i gōwēε. <sup>15</sup> Ǿ aa b̀aàno kaa kpe aa aà dè.

Kpelewa budepi a séhno sai? <sup>16</sup> A mo zikenapiɔ dεdε, i bú si kpa gbēpáleɔwae. Ké gbéɔ yápi mà aa mè: Lua wá ɔ. <sup>17</sup> Ǿ Yesu wεpà'ila à mè: Yá pó kēa Luayātaalauε bee dε kpelewa ni?

Gbε pó ēbonaɔ pākpaì mé gò gbεo mide ũ.†

<sup>18</sup> Gbέ pó lèle gbepiwa a wíwiε.

Tó gbepi sí gbéwa sō, a ade úɔε.

### *Yesu lousisin gbēzɔɔ fua*

*(Mat 22.15-23.36, Maa 12.13-40, Luk 11.37-54)*

\* **20:9** Isa 5.1 † **20:17** Sou 118.22



yā'ò aa mè: Metulu, n yāmaa ò. <sup>40</sup> Ǿ aai we yāe làwà lɔo.

<sup>41</sup> Yesu ní lá à mè: Kpelewa wí o Mesiíá Davidi Buiéi? <sup>42</sup> Asa Davidi ò Sou lá guu à mè:

Dii ò ma Dii e aà zɔle a ɔplaa

<sup>43</sup> e àò aà ibeεε kεè gbadibɔ ũ.\*

<sup>44</sup> Lá Davidi aà sisi Dii, kpelewa a de aà bui ũ lɔi?

<sup>45</sup> Ké gbépii lé aà yāma, ɔ a ò a ĩwaɔne: <sup>46</sup> A laaika Moizi ikoyādanedeɔzi. Aaĩɔ ye bebea ní ulada daaoi, wàò fɔkpakpamá gāae. Aaĩɔ weele zɔle lousisikpe gumaaɔu ní bleble zɔleki maao. <sup>47</sup> Aaĩ wabi gbāa ke gbēnazinaɔ wé yái, ɔ aai gyaaɔ kpé siomá. An ĩadama pāsí aɔ deńla.

## 21

### *Gyaa taaside gbadaa*

(Mat 12.41-44)

<sup>1</sup> Ké Yesu wezù a ae, ɔ a è ɔdeɔ lé ní gbaɔ ka ɔsikpagolo guu. <sup>2</sup> Ǿ à gyaa taaside búubuue è we, à tanga dàu mèn pla. <sup>3</sup> Ǿ à mè: Siana mále oé, gyaa taasidepi ɔa dàu de gbépiia. <sup>4</sup> Asa ɔ dia ɔ aa dā kàu nípii. Nɔepi sɔ, aà taasideke guu pó pó a ví à pɔbleò ɔ a dàu we pii.

### *Yelusaleũ dúuzɔa ní dúnialaagɔ seelaɔ*

(Mat 24.1-22, Maa 13.1-20)

<sup>5</sup> Gbēe lé Lua ua yā'o, aa mè wà a kpéɔ kèke maa ní gbè kefenao ní pó pó wà Lua gbàò, ɔ Yesu mè: <sup>6</sup> Gɔɔe a mós, pó pó á è keeɔ, baa gbēe a gɔ dikɔao, wa ní dúuzɔe. <sup>7</sup> Ǿ aa aà là aa mè: Metulu, bee a ke bɔe ni? Bómε aɔ de a keɔɔ seela ũi? <sup>8</sup> Ǿ à mè: A laaika, ásu

\* **20:43** Sou 110.1

to wà á sásão, asa wa mós ní ma tóo dasi, aa me wa mé wa de aà ũ, ge a gɔɔ kà. Asu ténizio. <sup>9</sup> Tó a zì bao mà, ge á mà wà fêlɛ ní kɔo, ásu to iwāa ká á pɔao. Sema yápiɔ ke káau, dúnia láaan we gíao. <sup>10</sup> Ǿ a ònɛ: Bui ní buio aa fêlɛ ní kɔo, màaɛ lɔ bùsu ní bùsuo. <sup>11</sup> Tɔɔlɛlualuaa pásɔo aao ku. Nɔana ní gagyão ka gu ní guo. Asi bɛɛ vía yáɔ aao ku luawa.

<sup>12</sup> E yápi ào mós, wa á kú, wi ìadawá, wi á kpá lousisikpedeɔwa, wi á ká kpéu, wi géánɔ kíaɔ ní bùsu gbãadeɔ aɛ ma yáí. <sup>13</sup> Bee a á gba zé ào de ma seeladeɔ ũ. <sup>14</sup> A zɛò á sɔ guu ásu làasookɛ lá á owao, <sup>15</sup> asa máme má sóso káé á léu, mí á gba ònɔ, ké á ibɛɛɛ a fɔ gii ge a a zásiwáo.\* <sup>16</sup> Baa á de ní á dao ní á v̄iɔ ní á dāunaɔ ní á daeɔ ní á gbēnaɔ aa á kpámáɛ, wi á gbēo de. <sup>17</sup> Gbɛ́pii a zaágu ma yáí, <sup>18</sup> ama baa á mikā mēndo a vūaaɔ. <sup>19</sup> A menafɔa guu ɔ á àizāna e.

<sup>20</sup> Tó á è zīgɔɔ lia Yelusaleŭzi, ào dɔ ké a dúuzɔa zào. <sup>21</sup> Zibeezì Yude bùsudeɔ bàalɛ mipɛ s̄is̄iɔwa, gbé pó kú Yelusaleŭɔ fáaa. Zɔɛwiadeɔ su gɛuo. <sup>22</sup> Asa gɔɔpiá tɔsimagɔɛ, ké yá pó kɛa Luayátaalau e pa pii yáí.† <sup>23</sup> Waiyoo nɔsindeɔ ní nɛadeɔ zibeezì, asa bùsupi taasi aɔ zɔɔ, Lua a pɔkūmabɔɔ gbépiɔwae. <sup>24</sup> Wa ní gbēo dede ní fēndao, wa ní gbēo kū taò bùsu pii guu z̄izɔɔ ũ, buipáleo i òz̄ɔ Yelusaleŭwa e an gɔɔ pa.

*Gbēnaz̄in Né mɔa*  
(Mat 24.29-35, Maa 13.24-31)

\* **21:15** Luk 12.11-12 † **21:22** Oze 9.7

<sup>25</sup> Seelaɔ aaɔ ku ɪatē n̄ mɔvuao n̄ saanaɔwa,† bui p̄ii iɔ ku pɔsia guu d̄uniau. Aa gɔ b̄ili guu ísia k̄ɔfi n̄ a bàaleao yáí. <sup>26</sup> Wɛdɔa yá p̄ó lé m̄ó d̄uniawai guu, v̄ia a gb̄éɔ k̄āsānkε, asa p̄ó p̄ó kú luawao z̄ā n̄ p̄ékiwae, <sup>27</sup> wi Gb̄enaz̄in Né m̄ɔa e luabεpuanau n̄ gb̄āa z̄ɔɔ gawideo. § <sup>28</sup> Tó yá beɔ kea dàale, à fele ze, í á mi se musu, asa á suabagɔɔ mé k̄aikù.

<sup>29</sup> Yesu yáíεúné à mè: A kaadɔenli gwa n̄ lí k̄iniɔ. <sup>30</sup> Tó á è aa bɔɔbò, ɔ́ í d̄ɔ ázlawa ké guantēna k̄aikù. <sup>31</sup> Beewae s̄ɔ, tó á è yá beɔ lé ke, àɔ d̄ɔ ké k̄ia p̄ó Lua kpà k̄aikù. <sup>32</sup> Siana mále oé, gɔɔbeedeɔ ḡεle yápiɔ p̄ii kesaiɔ. <sup>33</sup> Luabe n̄ tɔɔleo a ḡεle, āma ma yáɔ ḡεlea v̄io.

<sup>34</sup> A laaika. Asu to asiake n̄ w̄ɛdekeo n̄ w̄ɛnik̄aakeao á laai síwáo, ké aà mɔgɔɔ su á kú k̄ándo lán baiwao yáí. <sup>35</sup> Asa a kúle gb̄é p̄ó kú d̄unia guuɔwa p̄iiε m̄íɔ. <sup>36</sup> A it̄εke, iɔ wabike gɔɔpii, ké àɔ gb̄āa v̄i à e pili yá p̄ó lé m̄ɔwa p̄ii, í bɔ ze Gb̄enaz̄in Né ae.

<sup>37</sup> Lá gu lé dɔ Yesu iɔ yádané Lua ua. \* Tó oosi kè, i bɔ ge i Kùkpe s̄is̄ip̄ɔleu. <sup>38</sup> Kɔɔkɔɔ ɔ́ gb̄épii i fele gé aà yámai Lua ua.

## 22

### *Lεkpaat̄a Yesuzi*

*(Mat 26.1-16, Maa 14.1-11, Z̄aa 11.45-53)*

<sup>1</sup> K̄aaso dikpe p̄ó w̄i mε Ḡeamusu\* k̄a k̄ai. <sup>2</sup> Sa'onkiaɔ n̄ M̄ɔzi ikoyādanedeɔ lé wεεle lá aa ke aa Yesu b̄olia asii guu, asa aale v̄iake gb̄éɔnεε. <sup>3</sup> Ǿ Set̄au

† **21:25** Isa 13.10, Yoε 3.4 § **21:27** Dan 7.13 \* **21:37** Luk 19.47

\* **22:1** B̄ɔa 12.1-11



dì Yudasi pò wí me Isalioti miwa. Yesu ìwa gběon kuεplaο doe. <sup>4</sup> Ɔ Yudasipi gè lekpaafi ní sa'onkiaο ní Lua ua dđanaο gbězđoο, lá á ke à Yesu kpámá. <sup>5</sup> An pò kèna, ̄ aa ledoukè wà ̄a kpawà. <sup>6</sup> A zèd, ̄ àle zεweεε à Yesu kpámá gbέo saε.

*Gēamusu bleblea*

*(Mat 26.17-30, Maa 14.12-26, Zaa 13.21-30, 1Kln 11.23-25)*

<sup>7</sup> Kàaso dikpeγoο kà, γoο pò wí Gēamusu sã kòlokpa. <sup>8</sup> Ɔ Yesu Piεε ní Zāao gbàε à mè: A gé Gēamusu ble sourkeiwēε. <sup>9</sup> Ɔ aa aà là aa mè: N ye wà ke má ni? <sup>10</sup> Ɔ a wémá à mè: Tó a gē wéledau, á kpaaũ ní gđeo í sea lo guu. Aο teaàzi e ua pò a gēu, <sup>11</sup> í o uabelee, Metulu lé gu pò a Gēamusu ble bleu ní a ìwaο gbεa. <sup>12</sup> A kpediakōa kpea zđo pò wa kèke oboé, í poblea yá kεke we. <sup>13</sup> Ké aa gè, aa è lá Yesu ònéwa, ̄ aa Gēamusu ble sūkè we.

<sup>14</sup> Ké a γoο kà, Yesu mò zòle we ní a zinaο sãnu. <sup>15</sup> Ɔ a òné: Gēamusu bleε bee bleaánο ni ma de maamaa e mào gé taasikei, <sup>16</sup> asa mále oé, má ble bo e kpala pò bò Lua kfi γε boò gupuau, dikpe siana i mó. <sup>17</sup> Ké à imibo sè, à sáaukpà, ̄ à mè: A si dōdōkōε, <sup>18</sup> asa mále oé, za tia má vēεβε'i mi bo e kpala pò bò Lua kfi γε boò gupuau. <sup>19</sup> Ké à kàa sè, ̄ à sáaukpà a ε kpámá à mè: Ké beeá ma me pò mále kpá á yáie. Alio bee ke ma yá dōaágu yái. <sup>20</sup> Ké aa poble aa làa, à imibopi sè màa bo à mè: Iε beeá ma au pò lé boleeε. Lua bàa kua ní gbέo tia auε.† <sup>21</sup> Ma o ku ta doũ ní ma boηkpedeoe,‡ <sup>22</sup> asa Gbēnazin Né a kpagui lá Lua

† 22:20 Zel 31.31-34 ‡ 22:21 Sou 41.10

dilεwae. Waiyoo gbέ pó a aà kpámápi. <sup>23</sup> Ǿ aa ná kō lalaawa aa mè: Wá déme a yá bee kei?

*Yesu lεdaa a iwaɔwa*

*(Mat 26.31-35, Maa 14.27-31, Zaa 13.36-38)*

<sup>24</sup> Ǿ lekpaafèlε ní guu, ké aa ye dō ní gbέ pó deŕla. §  
<sup>25</sup> Ǿ Yesu òné: Bùsu kíaɔ í ikokemá mé gbāadeɔ í nízia tɔbɔ, <sup>26</sup> ama ásu ke màao. A kù á gbεzɔɔ aàɔ de gbέ pó késáaazi ũε. A kù á dɔaana aàɔ de á zíkεna ũε.  
<sup>27</sup> Bleblena ní blezíkεnao, an déme zɔɔi? Bleblena nolo? Mapi sō má kú á guu lán gbέ pó lé zíkεéwa.  
<sup>28</sup> Gbé pó zèmanɔ ma taasikea guuɔn á ũ. <sup>29</sup> Lá ma Mae ma kpa kpalau, má á kpá kpalau màa sō,  
<sup>30</sup> í bleblemanɔ ma kpalau, íɔ zɔlεzɔlεa báawa àɔ yákpaleke ní Isaili bui kuεplaɔ.

<sup>31</sup> Simɔɔ, Simɔɔ, ma. Setāu gbèa à á ká íu lá wí pówena ká íu wà gwawa. <sup>32</sup> Ǿ ma wabikène, ké ma náai pó ní ví su késámao. Tó n εa n sua, ò n gbέɔ gba gbāa. <sup>33</sup> Piεε òè: Dii, má sí wà ma dakpεunno, mí ganno. <sup>34</sup> Yesu mè: Piεε, mále onε, e ko àɔ gé lεzui gbā, níyɔ lelekpa ma dɔai gēn àaɔ.

<sup>35</sup> Ǿ à ní lá à mè: Ké ma á zí mɔkpe ní babalabɔɔɔ ní kyaleɔ sai, \* pɔe kèsāwáe? Ǿ aa mè: Aawo. <sup>36</sup> Ǿ a òné: Tiasa gbέ pó mɔkpe ví, aà sé. Màae lɔ ní babalabɔɔɔ. Gbé pó fēnda ví sō, aà a ula yía, i lú.  
<sup>37</sup> Mále oé, sema yá pó kēa Luayātaalau ma musu papa wà mè: Wà aà dilε dou ní dàakenaɔ. † Asa yá pó wa kè ma yá musu mé lé papa sa. <sup>38</sup> Aa mè: Dii, fēnda mèn pla ke. Ǿ a òné: Bee mò.

§ 22:24 Luk 9.46 \* 22:35 Luk 9.3 † 22:37 Isa 53.12

*Yesu kūa**(Mat 26.47-56, Maa 14.43-50, Zaa 18.3-11)*

<sup>39</sup> Yesu b̀ò gè Kùkpe s̀is̀ip̀òleu lá ì kewa. Aà ìwao teaàzi. <sup>40</sup> Ké à kà gu p̀ó à̀le géu, a òné: A wabikε ké ásu fu ỳawao yáí. <sup>41</sup> Ǿ à k̀emá à kà lán gbεzu lélea taawa. Ǿ à k̀ule we, à̀le wabikε <sup>42</sup> à m̀è: Baa, tó ní yei, to taasi keeonaε bee z̀ákũmanò, ãma asu ke ma p̀oẽã ũo, sema n p̀ó. <sup>43</sup> Ǿ malaika b̀ò luabe à m̀òwà à aà gbà gbãa. <sup>44</sup> Kua wétëa guu à̀le wabikε ní ãiao. Ǿ aà isima lé t̀ó t̀òle lán autonawa. <sup>45</sup> Ké à wabikè, à f̀è̀le gè a ìwao k̀ii, à ní lé, aale i'o ní p̀osiao. <sup>46</sup> Ǿ a òné: Akεa à̀le i'oi? A fele wabikε, ké ásu fu ỳawao yáí.

<sup>47</sup> Ké à̀le yá'o, ǿ wà kà dasidasi. Gb́é p̀ó wí me Yudasi, aà ìwa gb̃̀on kuεplao do mé d̀oaaané. Ké à s̀ò̀aazi lépeiwa, <sup>48</sup> ǿ Yesu ò̀è: Yudasi, lépeaa guu ǿ níyǿ Gb̃̀enazín Né kpaomáa? <sup>49</sup> Ké gb́é p̀ó aa kú ní Yesuoò yá p̀ó lé mó è, aa m̀è: Dii, wà ní gb̃̀εgb̃̀é ní f̀ẽndao yà? <sup>50</sup> Ǿ an gb̃̀edo sa'onkia z̀ikena lè à aà ɔplaa swá gò. <sup>51</sup> Ǿ Yesu m̀è: A bee tó. A ɔkà aà swáwa à aà gb̀àgb̀a. <sup>52</sup> Ǿ a ò sa'onkiaò ní Lua ua d̀òanaò ní gb̃̀z̃ò p̀ó aa m̀òwaònε: A m̀oá ní f̀ẽndao ní goò lán kpáiweliwen ma ũwaa? <sup>53</sup> Lá gu lé do miò kúánò Lua ua,† mé i ɔkãao. Ama g̀òe bee de á p̀ó ũε, gusia kibleg̀òe.

*Piεε lelekpaa Yesuzi**(Mat 26.57-58,69-75, Maa 14.53-54,66-72, Zaa 18.12-18,25-27)*

<sup>54</sup> Ké aa Yesu k̀ù s̀uò, aa g̀èaànò sa'onkia bε. Piεε bε z̀ázã. <sup>55</sup> Ké wà tekà ua guo, wà kà̀le ìiai, ǿ Piεε m̀ò s̀ò̀bò ní guu. <sup>56</sup> Ǹoε z̀ikenaε aà è, ǿ à web̀iiwà à m̀è:

---

† 22:53 Luk 19.47

Gb́́e bee kuaàno s̄e. <sup>57</sup> Ǿ à lelekpà à m̀: N̄e, má aà d̄o. <sup>58</sup> Ȳoɔno ḡo Ǿ gb̄p̄ale aà è, Ǿ à m̀: Mpi s̄o ní de an gb̄edo ũe. Ǿ P̄ie ò ḡe pie: Mám̄e. <sup>59</sup> Ké lelu do taa g̀, gb̄p̄ale giyèwà à m̀: S̄iana guu gb́́e bee kuaàno, asa Galile gb́́e. <sup>60</sup> Ǿ P̄ie m̀: Mi d̄o lá níle oo. Weḡo ké àle yá'o, Ǿ ko lezù. <sup>61</sup> Ké Dii lili w̄epè P̄iewa, Ǿ yá p̄o a ò d̀ P̄iegu, ké à m̀ e ko ào gé lezui gb̄a, a lelekp̄azi ḡen àā. <sup>62</sup> Ǿ P̄ie b̀o bàasi, à ɔlò à k̀ w̄ena.

<sup>63</sup> Gb́́e p̄o aale Yesu d̄o aà k̀ p̄o p̄o aa aà gb̀. <sup>64</sup> Aa p̄o yèè a w̄ewa, Ǿ aale aà lala aa m̀: Anabikeke n̄ o, déme n̄ lei? <sup>65</sup> D̄eaaano guu aa yá dasi p̄ale òè lo.

<sup>66</sup> Ké gu d̀, Yuda gb̄z̄o k̄o k̄aa, sa'onkia ò ní M̄ozi ikoyādan̄e p̄ii. Ǿ aa Yesu s̀e g̀è ní yákp̄alek̄ii. <sup>67</sup> Ǿ aa aà là aa m̀: Mesiin n̄ ũa? Ow̄e. A w̄emá à m̀: Tó má òé, á sio. <sup>68</sup> Tó ma ȳe làwá s̄o, á weo. <sup>69</sup> Za tia Gb̄enaz̄in Né āo z̄lēa Lua gb̄ade ɔplai. § <sup>70</sup> Ǿ gb̄ep̄ii m̀: Asi Lua Nén n̄ ũa? Ǿ a w̄emá à m̀: Lá a d̄o á léuwa, máme má aà ũ. <sup>71</sup> Ǿ aa m̀: Wá bàa ũma ní seeladeo lo? Wá mà aà léu k̀.

## 23

### *Pilati yákp̄alek̄e ní Yesuo*

*(Mat 27.11-31, Maa 15.1-20, Zaa 18.28-19.16)*

<sup>1</sup> Ǿ aa f̄le nípii, aa ḡeano Pilati ae. <sup>2</sup> Aale mó ní aà yáa aa m̀: Wa gb́́e bee è, àle gudeke wá bùsuue, àle ḡiné wà falubo Sezaae, mé à az̄ia díle Mesii ũ, k̄ia ũ. <sup>3</sup> Ǿ Pilati aà là à m̀: Yuda ɔ k̄ian n̄ ũa? A w̄ewà à m̀: Ǿme d̄o n̄ léu we. <sup>4</sup> Ǿ Pilati ò sa'onkia ò ní dasi p̄o kú

weone: Mi tàae'e gbépiwao. <sup>5</sup> Ǿ aa giyèwà aa m̀: Iò tékpa gbéogú a yádaané guu Yude búsuu píie. A dàale Galile, Ǿ à gè kàìò la sa.

<sup>6</sup> Ké Pilati mà màa, Ǿ à gbéò là tó Galile gbén aà ũ. <sup>7</sup> Ké a d̀ à b̀ Elodi búsuue, mé Elodipi ku Yelusaleũ zibeezi, Ǿ à aà gbàewà. <sup>8</sup> Ké Elodi Yesu è, Ǿ aà p̀ k̀na maamaa, asa à aà bao màe, mé a ye wesiaàle à g̀g̀. Aà wé d̀ Yesu dabudabukea eai. <sup>9</sup> A yáò làlawà dasi, Ǿ Yesu i a kee wewào. <sup>10</sup> Sa'onkiaò ní M̀izi ikoyādanedeo zea we, aale mó ní aà yáò p̀sip̀si. <sup>11</sup> Elodi ní a sosaò sakà Yesugu, aa aà láanikè aa ula t̀de dàè, Ǿ à èa aà gbàe Pilatiwa. <sup>12</sup> Zibeezi Elodi ní Pilatio k̀ na, asa aa íikũa ní k̀o yāae.

<sup>13</sup> Pilati sa'onkiaò ní gbāadeo ní gbé k̀niò k̀aa píi, <sup>14</sup> a òné: A m̀m̀e ní gbéè beeo a m̀ gudena. Ma aà làla á wáa yá p̀ á d̀d̀wàò musu, mi e à tàae k̀eo. <sup>15</sup> Màa Elodi i eo s̀, asa à èa aà gbàewáe. A gwa, i yāe ke à kà mà aà deo. <sup>16-17</sup> Má tó wà aà swágaga, mí aà gbae. <sup>18</sup> Ǿ aa wiilè nípii s̀nu aa m̀: Gbépi de! Balaba kéẁe! <sup>19</sup> Wà Balabapi dàkp̄u b̀a gbāadeo kp̄e ní gbēdeao yáie. <sup>20</sup> Pilati ye Yesu gbae, Ǿ à gbéò laai sísi a k̀i. <sup>21</sup> Ǿ aa èa wiilè aa m̀: N aà páliwa! N aà páliwa! <sup>22</sup> A g̀n àaõde Pilati òné: Bó dàa a k̀i? Mi tàae p̀ kà wà aà de ewào. Má tó wà aà swágaga, mí aà gbae. <sup>23</sup> Ǿ aa d̀diwà, aale gbeawà ní wii gbāao aà aà páliwa. Ǿ an z̀akaa t̀ an yá blè. <sup>24</sup> Ǿ Pilati d̀le wà ke lá aa gbèawawa. <sup>25</sup> Gbé p̀ wa dàkp̄u b̀a gbāadeo kp̄e ní gbēdeao yáí p̀ wa gbèapi Ǿ a k̀éné, Ǿ à Yesu kpà gai lá aa yeiwa.

*Yesu gaa**(Mat 27.32-56, Maa 15.21-41, Zaa 19.17-30)*

<sup>26</sup> Ké wàlε γεαάνω, wà dà Sileni gbέ Simωολε, àlε su ní buao, ò wà aà kù wà lipãakōa dĩè aào τεò Yesuzi.

<sup>27</sup> Bíla bò teaàzi ní nωε pó aale óωb aale nízia gbεgbεω.

<sup>28</sup> Yesu líli aedōmá à mè: Yelusaleŭ nωεω, ásu óωb ma yáio. A óωb ázia yáí ní á néω. <sup>29</sup> Asa a gωω lé mó ké wa o: Báaadeωn fii pó aai ne'io mé né i yó mimáoω ũ.

<sup>30</sup> Gωωbeezi

wa o gbεsiωne aa léle simá,

wa o sísiωne aa kúnla.\*

<sup>31</sup> Asa lá wàlε yáε taa ke ní lí bùsuo, lí gii pó aω deai?

<sup>32</sup> Wàlε gé ní dàaken plaεω b, ké wà ní dεde ní Yesuo sãnu. <sup>33</sup> Ké aa kà gu pó wí με Mitωωnagu, ò aa aà pàliwa we ní dàakenapiω, ado aà ωplaii, ado ωzei.

<sup>34</sup> Ω Yesu mè: Baa, sùuukeínnω, asa aa dō lá wàlε keo.

Ω wà télepà wà aà pōkasaω kpaalεokōε.† <sup>35</sup> Gbέō zεa we, aale gwa, mé Yuda gbāadeω lé lesuikεkεwá‡ aa mè: A dāω suabà. Tó Mesii pó Lua dĩlen aà ũ, aà azia suabae! <sup>36</sup> Sosao lé aà ke pōωpōω b. Ω aa sōaazi aa vεε kũma dōè§

<sup>37</sup> aa mè: Tó Yudaω kían n ũ, n nzia suaba. <sup>38</sup> Seelae naa aà mia à mè:

Yudaω kían ke!

<sup>39</sup> Dàakεna pó looa líwapiω do dōennoyã'òè à mè: Mesiin n ũo lò? N nzia suaba ní wápiω sãnu. <sup>40</sup> Ω

aà gbēdo gīè à mè: Nlε víake Luaε seoa? Yã doŭ mé zōlewá. <sup>41</sup> Wápiω, à kōsiwanω màae, asa pó pó wá tō mé bōlεwεε, āma dee i yáε keo. <sup>42</sup> Ω à mè: Yesu, tó

n mω kía ũ, to ma yá àω dōngu. <sup>43</sup> Ω a wèwà à mè: Siana mále onε, za gbã níyōω kumanω àizãna guu.

\* 23:30 Oze 10.8 † 23:34 Sou 22.19 ‡ 23:35 Sou 22.8

§ 23:36 Sou 69.22

44 Ké ìatē kà minanguo, a biia zè, ò bùsupi siakù pìi e aua gè pìlào. 45 Zwāa pò daa Lua kpéu\* kè a guo. 46 Yesu wiilè gbáugbāu à mè: Baa, ma a nisina nàne n ɔziε.† Ké a ò maa, ò à tà. 47 Ké sosaɔ gbēzɔɔ yá pò kèpi è, à Lua sáaukpà à mè: Gbépiá gbēmaae síana. 48 Bíla pò aa mò wà kàaa yápi gwaa yáio, ké aa yá pò kèò è, aa èa tà, aale nízia gbēgbē. 49 Yesu gbé dɔaɔ ní nɔe pò teaàzi za Galileɔ pìi ze kāaa, aale yápio gwa.‡

### *Yesu vía*

*(Mat 27.57-61, Maa 15.42-47, Zaa 19.38-42)*

50 Gōe ku aà tón Yosefu. Yuda gbāadeɔ doe. Gbēmaae, mé luayāmanaε. 51 Aà lé kú yá pò a gbéɔ zè ní a keaopi guuo. Yudaɔ wéle Alimate gbéε, aà wé dɔ kpala pò bò Lua kíii. 52 A gè Pilati kíi à Yesu ge gbèawà. 53 ɔ a bùa à bàabaa fífiwà à aà dà gbè'ε pò wa sò mia ũ guu. Wi gbēe dau we yāao. 54 Gɔɔpiá āsɔadaziε, kámabogɔɔ lé ká. 55 Nɔe pò aa te Yesuzi za Galileɔ te Yosefupi kpε, aa mia'εpi è ní lá à Yesu ge dīleuo. 56 ɔ aa tà gè nísi gínana ní tulaletio sɔukei. Kámabogɔɔzi aa kámabò lá Lua dīlewa.§

## 24

### *Yesu bɔa gau*

*(Mat 28.1-10, Maa 16.1-8, Zaa 20.1-10)*

1 Asɔanenzi gufēne ò nɔepio èa gè miapi kíi ní nísi gínana pò aa a sɔukèo. 2 Aa lè gbε goa mia'εle. 3 Ké aa gè, aai Dii Yesu ge eo. 4 Aa ku bíli guu, ò gōe gbēɔn

\* 23:45 Bɔa 26.31-33 † 23:46 Sɔu 31.6 ‡ 23:49 Luk 8.1-3

§ 23:56 Bɔa 20.10

plaeo b̀̀ m̀̀má p̀̀kasa tekea daa. <sup>5</sup> Via ní kú, aa ní mi p̀̀le, ̀̀ g̀̀eπio òné: Bóyái ále gbé b́́e weele geo guui? <sup>6</sup> A ku lao, à vù. A to yá p̀̀ a òé g̀̀o p̀̀ a ku Galile d̀̀águ <sup>7</sup> à m̀̀, sema wà Gbēnazin Né kpá duunkenaowa, aa aà páliwa, a g̀̀o àaõde ź́i i vu.\* <sup>8</sup> ̀̀ yápi d̀̀ng̀̀. <sup>9</sup> B̀̀a mia kíi aa g̀̀e yápi baokpà aà ìwa gbēon kuedoone ní gbé kíni. <sup>10</sup> Maliama Madeleni ní Yoanao ní Zaaki da Maliamao ní ǹ̀e kíni p̀̀ aa kúrǹ̀o mé yápi ò zinapione. <sup>11</sup> ̀̀ ǹ̀eπio yápi k̀̀né lán faai yáwa, aai sio. <sup>12</sup> ̀̀ Piε f̀̀le bàalè g̀̀e miapi kíi. Ké à wekpàle miapiu, i p̀̀e eo, sema bàabaa p̀̀leo, ̀̀ à èa tà, àle làasooke yápi aà k̀̀ gbāa.

*Emausi ź́eu  
(Maa 16.12-13)*

<sup>13</sup> G̀̀o doupi ź́i Yesu ìwa gbēon plae lé gé ẃ́e p̀̀ wí me Emausi. N Yelusaleũo à kà kiloo kuedo taa. <sup>14</sup> Aale yá p̀̀ k̀̀e pii faai bokõε, <sup>15</sup> ̀̀ g̀̀o p̀̀ aale a faaibo, aale a wàaipa, Yesu ní lé, ̀̀ aa be ź́eu sãnu. <sup>16</sup> P̀̀e kpaané ní aà d̄̄ao. <sup>17</sup> ̀̀ à ní lá à m̀̀: Bó yá ále t́́a'òò ní k̄̄oi? ̀̀ aa z̀̀, an oo sisia. <sup>18</sup> An gbēdo p̀̀ wí me Keleopa ẁ̀wà à m̀̀: Mé i ke ndo bàasio, gbēe ku Yelusaleũ a gi yá p̀̀ k̀̀e g̀̀oπλαεα d̄̄io. <sup>19</sup> ̀̀ à ní lá à m̀̀: Yá kpelei? Aa ẁ̀wà aa m̀̀: Yesu Nazaleti yáε. Anabi z̄̄oε. Gb́́pii d̄̄o ké aà yákea ní aà yá'oaò b̀̀ Lua kíiε. <sup>20</sup> ̀̀ sa'onkiaò ní wá gbāadeo aà kpámá, ké wà yádaaàla yáí, wi aà páliwa wà de. <sup>21</sup> Wápio s̄̄o wále e ̀̀me a Isailio suaba. Bee kpe yápi kea g̀̀o àaõden gbā. <sup>22</sup> ̀̀ yá p̀̀ wá ǹ̀eε ò b̀̀ wá saε. Ké aa g̀̀e aà mia kíi gufēnaε, <sup>23</sup> aai aà ge e weo. Aa sù aa m̀̀

\* **24:7** Luk 9.22, 18.31-33



malaikaᵋ b̀ò m̀òmá, aa òné a ku b̀éé. <sup>24</sup> Ǿ wá gb̄ēᵋ gè miapi gwai, aa è lá n̄epiᵋ ònéwa, a ku weo. <sup>25</sup> Ǿ Yesu òné: L̀aasoosaideᵋ, ili yá p̀ó ānabiᵋ ò si kpaao. <sup>26</sup> Lua d̄ile M̄esii taasik̄e beewa, i ḡbasa ḡē a gawi guuo lò? <sup>27</sup> Daalea M̄oizi l̀áwa e à ḡē p̀è ānabiᵋ p̀ówa píi, Yesu yá p̀ó k̄ēa Lua yáú azia yá musu b̄ᵋᵋlek̄en̄é píi.

<sup>28</sup> Ké aa k̄aik̄ù ní w̄éle p̀ó aale géuo, Yesu k̀è lá á ye ḡēzeawa. <sup>29</sup> Ǿ aa aà k̀ùk̀ù aa m̀è: Ḡᵋwanᵋ la. Oosi k̀è, gu lé ḡēk̄ᵋ. Ǿ à ḡè ua à ḡᵋn̄ᵋ. <sup>30</sup> Ḡᵋᵋ p̀ó àle p̀obleńᵋ, ᵋ à p̄ēe s̀è à báaad̄au, ᵋ a è a kp̄amá. <sup>31</sup> Ǿ an w̄é k̀è aa aà d̀ò sa, ᵋ aa k̀ùawà. <sup>32</sup> Ǿ aa òk̄ᵋ: Ké àle yá'ow̄ēe z̄éu, àle Lua yá pílok̄ēw̄ēe, wá ǹòse lé yáalᵋo lé? <sup>33</sup> Ǿ aa f̄ēle ḡᵋᵋ aa èa ḡè Yelusaleũ. Aa aà iwa gb̄ēᵋn kuēdoᵋ è k̄āaaa we ní gb̄é p̀ó n̄ámá <sup>34</sup> aale m̄e: Dii v̀ù síanae. A azia òᵋ Sim̄ᵋᵋ. <sup>35</sup> Ǿ gb̄ēᵋn plapiᵋ z̄é guu yá d̄au síuné ní lá aa aà d̀ò ḡᵋᵋ p̀ó à p̄ēe èo.

*Yesu azia ᵋba a iw̄aᵋne*

*(Mat 28.16-20, Maa 16.14-20, Zaa 20.19-23, Zin 1.6-8)*

<sup>36</sup> Ké aale yápi o màa, k̄ándo aa aà è z̄ea ní guu, ᵋ a òné: Aᵋ k̀ú ní aafiao. <sup>37</sup> Ǿ gili ḡèngu, v̄ia ní k̀ú, aale e gyaade wa è. <sup>38</sup> Ǿ a òné: Ak̄ea á ǹòse ᵋᵋkp̄ai? Ak̄ea á k̀ú ní ǹòse plaplaoi? <sup>39</sup> A ma ᵋᵋ gwa ní ma gb̄áᵋ, máme. A ᵋk̄ā à gwa. Gyaade m̄e ge wá v̄í lá a ma eewao. <sup>40</sup> Ké a ò màa, ᵋ à a ᵋᵋ ní a gb̄áᵋ òᵋn̄é. <sup>41</sup> P̄ona guu aa a eeb̀ò, k̀é à b̀ò ní sae yáí. Ǿ à ní lá à m̀è: P̀oblea kua? <sup>42</sup> Ǿ aa kp̀ò kpaateᵋ k̀ᵋᵋ kp̄awà, <sup>43</sup> ᵋ a s̀ò ní wáa. <sup>44</sup> Ǿ a òné: Yá p̀ó má òé ḡᵋᵋ p̀ó má k̀úánᵋo mé k̀è. Ma m̀è sema yá p̀ó wa ò ma yá musu M̄oizi ikoyã láu



**Bibeli Luayátaalá**  
**The Holy Bible in the Boko language spoken in Benin**  
**and Nigeria**

copyright © 2010 SIM International

Language: Boko

Translation by: SIM International

**Boko Bibeli Luayátaala**

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

ffb0f4b3-18b7-564f-bd5d-307e9e532fb9